

فرکارا ۲ حق توهن بري پات

فرکارا ۲ حق توهن بري پات کفد
يحييا چارا حال ماس کوء دافن

يحييا رويت چارا حال سورت ني

باب 1

1 دالم کتاب نيله، اد فرکارا ۲ حق توهن بري پات کا عيسی المسيح دولو، انتوق نق تنجوق کا همب ۲ دي فول، چارا حال حق مان تاء لام نق جادي کوء دافن. فس، عيسی بري تاهو فرکارا ۲ ني کا همب بي يحييا، دغن هنتر ملائیکه کي کا تمفت يحييا.

2 فس يحييا فول رويت اف ۲ حق دي تيغوق تو، ناء يك سقسى کات، نيله فرکتان توهن حق بوليه جامين، کران ماري کوء عيسی المسيح.

3 براونتوغله اورغ حق باچ کتاب ني بري اورغ دغر. اورغ حق دغر فون براونتوغ جوگ، کالو دي تورو فرکارا ۲ حق توليس ده ني. کران تاء لام لاگي نق جاني.

يحييا کيريم سلام کا فواق ۲ المسيح دتوجوه تمفت

4 اکو يحييا کيريم سلام کا فواق ۲ المسيح دتوجوه تمفت دکليواسن اسيا. تريماله رحمة دغن سلامة سجهترا حق تورو کا فواق مو درفد توهن. دي حق دوق اد لاني، دولو اتوا کوء دافن فون، فس درفد روح بي حق سمفرن توجوه تندا تو.

- هق دوق مشهارف تحت توهن، فس درفد عيسى المسيح جوگ،
 5 بي هق جادي سقسي هق جو جور. دپاله هق ماتي هيڊوف
 كليق هق مولا ۲ سڪالي تو. ري فون جادي راج يڄ مهاكواس
 اتس سموا راج دنيا. ري دوق كاسيه كا كيت، فس ري قربان
 ده پاوا ري تو، انتوق بري كيت لفس درفد دوسا ۲ كيت.
 6 بي لتق كيت بري جادي تيتيس راج، فس لتق كيت جادي تو
 امام جوگ، هق كرج كا توهن، باف عيسى تو. عيسى المسيح
 ني له هق سوغ فاتوت كيت فوجي دغن مهاكو كواس ري،
 سلام ۲ ن. امين.
 7 تيغوقله! ري نق تورون ماري دغن اون، فس ما نسي كنف ۲
 اورغ نق بولي له نمفق ري، ترماسوق جوگ فواق هق تيكم ري
 بري ماتي دولو تو. سموا بغسا اتس دنيا فون نق ترياق
 مناغيس كران ري. تنتو كنا جادي بالس تو، امين.
 8 ربي، توهن يڄ مهاكواس، ري هق دوق ار لاني، دولو اتوا
 كو دافن فون، دپاله هق كات:
 اكونه هق اول، فس اكو جوگ هق اخير!

عيسى بري نمفق ڊيري ري كا يحييا

- 9 اكو يحييا، كا كق فواق مو سموا، هق توليس سورت ني.
 كيت سموا دوق سهاتي سپاوا دغن عيسى. سابيت تو، اكو
 سڪالي دغن فواق مو، كنا تينديه دكسيقسان، هق ماري كران
 كيت دوق دالم ليڄكوغن المسيح. دپاله هق بري كيت بولي له
 تتف هاتي سمفي سود. اكو كنا هنترگي كا فولو فاتموس،
 كران اكو رويت خبر بائيك هق توهن، فس كران اكو ناءيك
 سقسي اتس فركارا ۲ هق عيسى بري پات كا اكو.
 10 فد ساتو هاري، هاري احد، هق كيت لتق انتوق ربي تو،
 روح توهن تورون كواس ري اتس اكو. فس اكو دغر سوارا

- درس باليق بلاکځ اکو، هق بويي سروف سروي .
- 11 ډي کات : اف ۲ هق مونق نمفق ني، توليسله، فس هنتر سورت تو کا فواق ۲ المسيح رتوجوه بندر، ياءيت ايفيسوس، سميرنا، فرکاموم، تياتيرا، سارديس، فيلاديلفيا، فس لاءودیکيا فون .
- 12 اکو فالينغ نق تيغوق سوارا هق دوق سبوت کا اکو ساءني تو، فس اکو نمفق تياغ فليتا توجوه فونتوغ هق بوات دغن مس .
- 13 رتغه ۲ تياغ تو، ار هق دوق بريري، فس روف ډي سروف مائسي . ډي فاکي باجو لابه، فس رادا ډي بوبوه تالي کنديت مس .
- 14 رمبوت ډي فوتيه لويه سروف کافس . فس، مات ډي فول، سروف افي سلر توبيت .
- 15 فس کاکي ډي فون چره سروف تمباک هق اوجي دالم افي، اغکيت فس گوپه ده . سوارا ډي بويي بردهوغ سروف اومبق ۲
- 16 هق دوق بدل . سبله تاغن کانن دوق گځگم بينتغ توجوه بوتير . کوء مولوت ډي توبيت فده تاجم هق مات دوا .
- فس موک ډي چره سروف متھاري هق بچر .
- 17 با نمفق ډي، اکو ربه سوغکور دکت کاکي ډي، سروف اورغ ماتې ده . ډي فون لتق تاغن کانن اتس اکو، فس ډي کات : مو جاغن تاکوت ! اکو نيله دوق ار مولا ۲ تو، فس نق دوق ار سمفي سود !
- 18 اکوله ډي هق يځ هيډوف . اکو ماتې ده، تافي تيغوقله، لاني اکو دوق هيډوف سلام ۲، فس اکو جوگ هق ار کواس لبيه فد کواس موت، بري بوليه ماسوق توبيت تمفت اورغ ماتې دوق ننډي تو !
- 19 سابيت تو، مو توليسله فرکارا ۲ هق دوق جادي لاني، اتوا
- 20 کوء دافن فون . رهسيا هق دوق ار دالم بينتغ توجوه بوتير

هق دوق کځگم دالم تاغن کانن کو ، دغن تياغ فليتا توجوه فونتوغ هق بوات دغن مس تو ، جايي بالس ني . توجوه فونتوغ تياغ فليتا ياء يت فواق ۲ المسيح دتوجوه تمفت تو . فس بينتغ توجوه بوتير فول ، جايي ملايکه ۲ هق دوق مريته اتس فواق ۲ المسيح تو .

فسنن کا فواق المسيح ريندر ايڤيسوس

باب 2

- 1 تولىسله بالس ني کفد ملايکه هق دوق مريته فواق اکو المسيح ني ريندر ايڤيسوس ، کات : اينيله فسنن هق ماري درفد ري هق دوق کځگم بينتغ توجوه بوتير دالم تاغن کانن تو ، ري هق دوق برجالن کي ماري رتغه توجوه فونتوغ تياغ فليتا هق بوات دغن مس .
- 2 اکو تاهوره حال کرج ۲ مو ! اکو تاهو جوگ ، تځگوغن مو برت ستارا مان ، فس لاڳي ، اکو تاهو کات ، سکت مان مو دوق صبر . اکو فون تاهو کات ، مو تاء لق بري اورغ ۲ جاهت ماسوق دالم فواق مو . فس ، فواق هق ماري نق تيفو مو ، کات ري اورغ هق باوا تيته المسيح جوگ ، فواق مو فون سروي دي ده ، فس مو تاهو کات ري بوهوغ .
- 3 اکو تاهو ده کات ، مو دوق صبر ، فس بالس مان مو کنا سيقسا کران اکو ، تافي تبیغ توروت جوگ ، دغن تاء فواس ۲ .
- 4 تافي اد سکارا هق کورغ . لاني فواق مو تاء کاسيه کا اکو سروف دولو .
- 5 بري کابرله کنا ايغت کات ، تيځگي ستارا مان مو جاتوه فد تمفت دولو تو ! مو کنا فالیغ توبه درفد دوسام مو تو ، فس توروت سروف هق مو بياس بوات دولو . کالو مو تاء فالیغ توبه ، اکو ربي ني نق ماري امبيق کليق تياغ فليتا هق دوق دغن مو تو .

6 تافي ار جوگ هق موليق باليق مو. فواق مو دوق بنجي کا
فرکارا ۲ هق فواق گورو فلسو نیکولاءوس تو دوق بوات، سروف
اکو بنجي جوگ.

7 اورغ هق ار تليغا، دغر باءیک ۲ له هق مان روح توهن دوق
رويت کا فواق ۲ المسيح! کا اورغ هق منغ ده، اکو رتي ني
نق بري ماکن بواه ۲ هق بوليه بري اورغ هيدوف سعمور
دفوھون هق دوق دالم کيون توهن تو.

فسنن کا فواق المسيح دبندر سميرنا

8 فس توليسله بالس ني کفد ملائیکه هق دوق مرينته
فواق اکو المسيح ني دبندر سميرنا فول. اينيله فسنن هق
ماري درفد ري هق دوق ار مولا ۲ تو، فس نق دوق ار سمفي
سود، بي هق ماتي فس باغون هيدوف سمولا.

9 اکو تاهوره کات مو کنا تينديه رکسيقسائ، فس اکو تاهو
جوگ، ستارا مان مو فايه، تافي سسوغکوھن هاتي مو کاي.
فس سکارا لاکي اکو تاهو، چارا حال فواق مو دوق کنا تودوه
داورغ لائين. اورغ ۲ تو کات ري جاني اومت اوکام يهوي،
تافي سسوغکوھن، ري اومت هيبليس.

10 جاغن تاکوتله کسوساهن هق تنغه دوق جمبا کفد مو. دغرله!
تالام هيبليس نق سوبي اورغ ۲ دالم فواق مو، بري کنا ماسوق
دالم کوروغن، فس اورغ تو نق کنا سيقسا سمفي سفولوه
هاري. ولو مو کنا ماتي فون، جاغن فوتوسله هق مو دوق
فرچاي تو، فس اکو رتي ني نق بري کفد مو، مھکوت جادي
تندا کات مو بوليه ده هيدوف يغ ککل.

11 اورغ هق ار تليغا، دغر باءیک ۲ له هق مان روح توهن دوق
رويت کا فواق ۲ المسيح! اورغ ۲ هق منغ ده، تال کنا تاکوت،
بيلا سمفي ماس ماتي يغ کدوا تو.

فسنن کا فواق المسيح دبندر فرکاموم

- 12 فس توليسله بالس ني كقد ملائكة هق دوق مريته
فواق اكو المسيح ني ، دبندر فرکاموم فول . اينيله فسنن
هق ماري درفد ري هق توبيت فدغ تاجم مات دوا تو .
- 13 اكو تاهوره تمفت فواق مو دودوق ، دتمفت هق هيبليس
لتق تحت ري . مو فکغ ره کا نام کو . تکه انتيفس ناءيك
سقسسي کا اكو سمفي کنا بونوه دتمفت هيبليس دودوق توفون ،
هق تو تاء بري مو فوتوس فرچاي جوگ .
- 14 تافي اد جوگ دوا تيگ فرکارا هق فواق مو کورغ . اد اورغ ۲
دالم فواق مو هق تورو فغاجران سروف هق بعالم دولو ۲
تو . بعالم ني ، ري بياس مغاجر راج بالك بري فندي هيريت
فواق اسرائيل ، قياس کي کا لائين دغن ماکن بارغ ۲ هق اورغ
سمبه ده کا برهالا ، فس دغن بوات چافوغ کاتيق .
- 15 بالس تو جوگ ، اورغ ۲ دالم فواق مو تو ، تورو فغاجران
16 نيکولاءوس . مو کنا فالينغ توبه درفد دوسا ۲ مو . کالو مو
تاء فالينغ ، اكو ربي ني نق کي کا تمفت مو ، فس اكو نق لاون
اورغ ۲ تو ، دغن فاکي فدغ هق توبيت دالم مولوت کو تو .
- 17 اورغ هق اد تليغا ، دغر بائيك ۲ له هق مان روح توهن دوق
رويت کا فواق ۲ المسيح . اورغ هق منغ ده ، اكو نق بري
سکيان مکانن هق تورون درفد توهن ، ياءيت مئا هق لاني
دوق تاروه تو . فس اكو نق بري جوگ ، ستوغکول باتو فوتيه
کا فواق مو ماسيغ ۲ ، هق توليس داتس دغن نام بارو . فس
نام تو ، تاءاد سياف بوليه تاهو ملينکن اورغ هق تريما ساج .

فسنن کا فواق المسيح دبندر تياتيرا

- 18 فس توليسله بالس ني كقد ملائكة هق دوق مريته فواق

- اكو المسيح ني، ربندر تياتيرا: اينيله فسنن هق ماري درفد
انق يځ ساتو هق توهن، دي هق مات سروف افي سالر
توبيت، فس هق كاكي بي چره، سروف تمباځ هق ځوپه ده.
19 اكو تاهوده حال كږ ۲ مو. فس اكو تاهو جوځ بالس مان مو
كاسيه دوق هارف كا توهن، فادول مو اكو دالم فواق مو، دوق
صبر كا هق دوق جمبا كغد مو تو. فس اكو تاهو جوځ كات كږ
مو لاني، موليق لبيه فد دولو.
- 20 تافي ار جوځ هق كورځ. فواق مو دوق بنر اورځ بتينا هق نام
بي جزييل. بي اغكيت ډيري كات بي اورځ هق ار نعمة بوليه
ميمغي فرمان توهن. فس بي مهاجر انتوق نق تيفو اورځ ۲ هق
كږ كا اكو ربتي ني، سوروه بي توروټ جالن چافوځ، فس
ماكن بارځ هق اورځ سمبه ده كا برهالا گاتيځ.
- 21 اكو بري ده فلوواځ كا دي نق بري فالينځ درفد دوسا ۲ بي تو،
تافي بي ډكيل، تا سير فالينځ درفد هق دي بوات چافوځ تو.
- 22 سابيت تو، ننټي اكو نق جاتوه بالا اتس دي، بري دوق
سليمبيق رتمفت تيدور. سموا اورځ هق توروټ جالن برزنا
سروف دي فون، اكو نق ليمفر بري كنا سيقسا تروق سكالې
دغن دي، ملينكن بي فالينځ تا سير توروټ هق اورځ بتينا
بوات جاهت تو.
- 23 فس اكو نق بونوه جوځ سموا اورځ هق ماسوق جايي انق
مريد بي. بالس توله، سموا فواق ۲ اكو المسيح ني نق
بوليه تاهو، كات اكوله هق فندي تيليق تيغوق فراساڼ هاتي
دغن فيكيړان ماڼسي. فس اكو نق بالس كا فواق مو ماسيځ ۲
ايكوت كږ ۲ مو.
- 24 تافي بايق اورځ دالم فواق مو رتياتيرا، تا توروټ فحاجران
جاهت سروف تو، فس تا مهاجي هق فواق تو كات علمو
دالم هق هييليس. اكو ربتي ني نق رويت كا فواق مو، كات:

- 25 اکو تاء سیر تمبه بري کهور برت لاگي، هق مو دوق تځگوځ لاني. تافي مو کنا فکځ بري کجته اف هق ار ده تو، هيځ سمفي اکو ماري فول.
- 26 کا اورځ هق منځ ده، فس هق بوات تورو سمفي سود هق مان اکو سوروه، اکو نق بري کواس کا دي سروف هق اکو تريما ده دياف کو دولو، رڼي کات. فس کواس تو نق بري دي بوليې مړينته اتس سماو بځسا.
- 27 مان ۲ هق لاون دغن توهن فون، فواق هق تريما کواس توهن تو نق مړينته، ستارا توځت بسی باج بوليې کاتق فريوق تانه بري هنجور.
- 28 فس اکو نق بري کا دي جوگ، بينتځ هق تندا نق چره.
- 29 اورځ هق ار تليغا، دغر باءيک ۲ له هق مان روح توهن دوق رويت کا فواق ۲ المسيح!

باب 3 فسنن کا فواق المسيح دبندر سارديس

- 1 فس توليسله بالس ني کفد ملائیکه هق دوق مړينته فواق اکو المسيح ني دبندر سارديس فول: اينيله فسنن هق ماري درفد دي هق ار روح هق سمفرن توجه تندا، سکالي دغن بينتځ توجه بوتير هق دي دوق کځکم تو. اکو تاهو ده کرج ۲ فواق مو. فس بويي کابركات، فواق مو دوق هيډوف چارا بارو، تافي سسوغکوځن مو سروف اورځ هق ماتي ده.
- 2 سابيت تو، باغون تمبهله بري قواة سمولا هق مان دوق هيډوف لاگي تو، تاکوت نق ماتي هابيس. کران فريواتن ۲ مو، اکو دوق تيليقي تيځوق، تاءار تمو لاگي هق توهن کو کات فادن ده.
- 3 بري کابرله کنا ايځت کا هق مو تريما ده دولو تو، فس بالس مان هق مو دغر. مو کنا بوات تورو هق تو، دغن

فاليغ توبه درفد دوسا۲ مو. کالو مو مالس باغون توبه تو،
اکو ربّي ني نق چوري ماري کا تمفت مو دغن مشجوت.

4 تافي ار جوگ ستغه اورغ دالم فواق مو هق تاءچونتيغ فکاي
بري چمر. فواق تو نق بوليه برجالن دوا اکو ربّي ني،
دغن فکاي فوتيه تو، کران توهن کات، فواق تو سوغ
فاتوت ده.

5 اورغ هق منغ ده نق بوليه بوبوه فکاي فوتيه سروف ني،
فس اکو تاءهافوس نام ري درفد سورت اورغ هق بوليه ده
هيديوف چارا بارو تو. اکو نق مغاکو حال ري دافن باف
کو سکالي دغن ملايکه۲، کات ري جادي ميليک کو.

6 اورغ هق ار تليغا، دغر بايک۲له هق مان روح توهن دوق
رويت کا فواق ۲ المسيح.

فسنن کا فواق المسيح دبندر فيلاديلفيا

7 فس توليسله بالس ني کفد ملايکه هق دوق مريته اتس
فواق اکو المسيح ني، دبندر فيلاديلفيا فول: فسنن ني
ماري درفد ري هق سوچي، ري هق سبنر. دياله هق دوق
فکغ اتق کونچي راج داءود. بيلا ري بوک، تاءار سئورغ
هابوق هق بوليه کاتوف. بيلا ري کاتوف فون، تاءار سئورغ
هابوق هق بوليه بوک.

8 اکو تاهورده کرج ۲ فواق مو. اکو تاهو جوگ کات، ولو
کواس فواق مو سيکيت فون، تافي مو تورووت فجاجران کو،
تاءارهاک کا اکو جوگ. اکو بوک ده ساتو فينتوانتوق مو
فس تاءار سياف بوليه کاتوف.

9 ننتي دغرله هق اکو نق بوات کا فواق تو، هق کات ري
جادي اومت اوکام ييهوي، تافي سسوغکوهن ري جاني اومت
هييليس. ري بوهوغ ساج. ننتي اکو نق فقسا ري ماري

سجور کا کاکي فواق مو، نق بري يي تاهو کات، فواق موله هق اکو کاسيه.

10 دغن سابيت مو تاء فوتوس تورو ت سوروهن کو، هق کات کنا کاجن دوق کجت تو، اکو فون نق بري مو سلامت درفد فرياغ سوسه هق نق ماري سوي سمو اورغ اتس دنيا.

11 تاء لام لاکي، اکو نق ماري فول. فکغله باءيک ۲ هق مان ار رفواق مو تو. بيمبغ تاکوت اورغ نق ماري رمفس مهکوت مو هق توهن هديه کا اورغ منغ تو.

12 اورغ هق منغ ده نق بوليه جاني سروف تياغ هق کجت دالم تمفت سمبه کا توهن کو. فس اکو تاء بري چابوت ده. اکو فون نق توليس اتس يي تو، نام توهن کو، دغن نام کوت توهن کو، سکالي دغن نام بارو هق اکو ربي ني. فس کوت توهن تو، ياءيت کوت جروسليم هق بارو، هق تورون ماري درفد توهن کو دشرک.

13 اورغ هق ار تليغا، دغر باءيک ۲ له هق مان روح توهن دوق رويت کا فواق ۲ المسيح.

فسنن کا فواق المسيح دبندر لاء وديکيا

14 فس توليسله بالس ني کفد ملائکه هق دوق مرينته فواق اکو المسيح ني، دبندر لاء وديکيا فول: اينيله فسنن هق ماري درفد يي هق گلر امين، سبب يي بري سلسي سمو هق توهن جنجي، يي هق جاني سقسي هق جوجور، رويت هق سببر. ديالہ جاني اصل سمو هق توهن بري جاني.

15 اکو تاهوره کرج ۲ فواق مو. هاتي مو دوق دتغه انتارا، سروف اير تاء سجوق تاء فانس. موبلق کالو مو سجوق اتوا

16 فون فانس. تافي بق! کالو مو دوق سوام ۲، تاء سجوق تاء فانس سعمور، تنتو اکو نق تولق فواق مو، سروف لوده اير تاء سد ف

- 17 کران فواق مو کات مو کاي ، دوق ماجو سممور ، تاء کورغ اف سکارا فون . تافي فواق مو تاء کابر کات ، سسوځکوهن ، مو سوسه ساغت ، موليق سموا اورغ کسياغ کا فواق مو !
 مو مسکين تاء ار اف سکارا ، سروف مو تلنجغ ، اتوا بوت .
 18 سابيت تو ، اکو ربي ني نصيحه کا فواق مو ، سوروه بليله مس هق سجاتي راکو ، هق اوجي سيف ده ، باروله فواق مو نق بوليه کاي سوځکوه . فس بليله راکو جوگ ، کائين فوتيه هق بوات تودوغ کمالوان مو کران تلنجغ تو . فس بلي جوگ اوبت مات هق بائک راکو ، نق بري چليق هق بوت تو .
 19 اورغ هق اکو کاسيهله ، اکو اجر ري دغن حکومن . سابيت تو ، کاجغ اوسهاله سوځکوه ۲ ، فس فاليع تيغگل دوسام مو تو .
 20 دغرله ! اکو ربي ني دوق دافن فينتو مو ، فس اکو دوق کرتوق مينتاء ماسوق . کالو ار سئورغ فون هق دغر سوارا کو ، فس ري بوک فينتو تو ، اکو نق ماسوق کا دالم ، ماکن سکالي دغن ري سلالو .
 21 اورغ هق منغ ده ، اکو نق بري کا ري بوليه دوق دتغي اکو اتس تحت کو ، سروف اکو سنديري منغ ده فس لاني اکو دوق دتغي باف کو ، دتحت ري .
 22 اورغ هق ار تليغا ، دغر بائک ۲ له هق مان روح توهن نق رویت کا فواق ۲ المسيح .

فواق ايسي شرک سمبه کا توهن

باب 4

- 1 لفس فد تو فول ، توهن بري اکو يحيا ني نمفق ساتو فينتو ، هق دوق تريوک دالم شرک . فس اکو دغر سوارا بوپي سروف سروني ، سروف هق دغر ده دولو تو ، هق کات :
 ناءيله سيني ، اکو نق تنجوق بري مو نمفق ، هق مان نق جاي ، لفس فد ني !

- 2 با ري کات بالس تو، روح توهن فون تورون کواس دي سلالو بري اکو نمفق ار سبواه تحت دشرگ تو. فس ار اورغ جوگ داتس تو.
- 3 موک دي برسینر سروف مَات اینتن بلیان. فس هق دوق کلیلیغ تحت دي تو، ار کَان، هق نمفق سروف مَات جمرود.
- 4 فس ار تحت هق لآین لاکي، دوا فولوه امفت بواه، هق دوق کلیلیغ تحت ساءني. اورغ فون ار بلاک اتس تو، هق فريشکت دي کتوا. فکاین دي فوتیه جلفق، فس دي فاکي مهکوت هق بوات دغن مس.
- 5 فس تحت هق دوق دتغه تو، توبیت چهيا برکيلت ۲ دغن سوارا گوروه مانه. دافن تحت تو، ار توجه فونتوغ دامر، هق دوق مپالا، ياءیت روح توهن هق سمفرن توجه تندا تو.
- 6 دافن تحت تو فول، نمفق سروف لآوت هق بوات دغن چرمين، هق برکيلت سروف کاج. امفت تافن تحت تو فول، ار مخلوق توهن هق مپاوا، امفت بغسا. فس مخلوق امفت بغسا تو ار مَات سکلیلیغ توبوه.
- 7 مخلوق هق مولا ۲ تو، روف دي سروف سيغا. هق کدوا، روف دي سروف لمبو. هق کتيگ، موک دي سروف مآنسي، فس هق کاء مفت تو، روف دي سروف بوروغ کاغق هق دوق بوک سايغ.
- 8 مخلوق امفت بغسا ساءني تو، ار سايغ ماسيغ ۲، انم فونتوغ. اتس باوه سايغ تو فون، ار مَات بلاک. دي فاکت دوق مپاپي سياغ مالم تاء برهنتي ۲، کات:
- سوچي، سوچي، سوچيله رتي، توهن یغ مهاکواس.
دياله هق دوق ار دولو، لاني، اتوا کو دافن فون!
- 9 فواق امفت بغسا تو دوق مپاپي لاگو ۲ دوق فوجي، دوق حرمة، دوق اوچف تريما کاسيه کا ري هق دوق اتس تحت

10 ساهني تو، هق هيڊوف سلام ۲. ګنف ۲ کالي بي مياپي تو، فواق ګتوا دوا فولوه امفت اورغ فون، سږود حرمة کالي هق دوق اتس تحت هق تغه، هق دوق هيڊوف سلام ۲. دي چابوت مهکوت بي ماسيغ ۲، لتق دافن تحت هق تغه تو، بلخ ۲ کات:

11 يا رتي، يا توهن هق فواق اګو سمبه! سموا هق مان ار، رتي بري جايي. ايکوت کهندق رتي له، سموا تو دوق هيڊوف بلاک. سوغ فاتوتله کيت هق جادي مخلوق فون، فاکت فوجي، حرمة دغن مفاکو کواس رتي!

سورت هق ګولوغ دوق برتري

باب 5

1 فس اګو يحييا نمفق فول، سورت هق ګولوغ دوق دالم تاغن کانن بي هق دوق اتس تحت دتغه تو. دالم ګولوغ تو ار توليس فنوه، باليق تو، باليق ني، فس بي برتري دغن ليلين توجوه تومفوق.

2 فس اګو نمفق ملايکه هق کواس دي بسر، دوق کوسنر دغن سوارا درس. بي تان: سياف بي هق سوغ بوليه سکه ليلين هق دوق برتري، بري تربوک ګولوغ ني؟

3 تافي تاءار سئورغ هابوق دشرګ، ربومي اتوا دباوه بومي سګالي فون، هق سوغ بوليه بوک ګولوغن تو، تيغوق ايسي دالم.

4 اګو يحييا ترياق هيغګ سمفي مغيسق، سبب تاءار سئورغ هق سوغ بوليه بوک ګولوغن تو، نق تيغوق ايسي دالم.

5 تافي ار سئورغ دالم فواق ګتوا ساهني، هق رويت کا اګو کات: جاغن ترياق! تيغوقله، ار سئورغ هق سوغ بوليه سکه ليلين توجوه تومفوق هق دوق برتري تو، بري تربوک!

- دياله هق اورغ گلر: سيغا هق فواق يهودا، دالم دوا بلس
فواق بغسا اسرائيل تو، دي هق جادي كتورونن بسر هق
راج داور. دي منغ ده، فس سابيت تو دي سوغ بوک.
- 6 فس اکو فالينغ نمفق انق کييس دوق برديري دتغه تحت تو.
مخلوق توهن امفت بغسا سائي، سکالي دغن فواق کتوا فون
دوق سکليليغ دي. فس انق کييس تو نمفق سروف کنا سمبليه
ده. دي ار تندوق توجه فونتوغ دغن مات توجه بوتير،
يائيت روح توهن هق سمفرن توجه تندا تو، هق کنا
هنترکي سلوروه دنيا.
- 7 انق کييس تو فون کي امبيق کولوغ دتاغن کانن هق دوق
8 اتس تحت تو. تغه دي بوات بالس تو، مخلوق توهن امفت
بغسا، سکالي دغن فواق کتوا دوا فولوه امفت اورغ تو، فاکت
سجود دافن انق کييس. کنف ۲ اورغ دالم فواق کتوا تو،
فکغ کمبوس سکالي دغن چاون مس، هق ار کمپن فنوه دالم
تو. فس کمپن تو، معنائن دعا ۲ فواق هق جاي ميليق توهن.
9 سموا هق اتس تو فون فاکت پاپي لاکو بارو کات:
يا انق کييس، موله هق سوغ فاتوت بوليه امبيق
سورت کولوغ سکه بري تريوک ليلين ۲ هق دوق بريري تو.
کران موله هق کنا بونوه ده، فس دغن سابيت مو
قربان پاوا تو، مو بوليه تبوس پاوا مائسي،
امبيق دالم کنف ۲ فواق، کنف ۲ بغسا، سلوروه دنيا فون،
انتوق نق سمبه کا توهن.
- 10 مو لتق فواق هق مو امبيق تو بري جاي توء امام،
هق فيمفين اورغ ماري مهادف توهن. فس مو لتق
دي جوگ، بري جاي تيتيس راج هق نق مريته
اتس دنيا!
- 11 سود دي پاپي تو، اکو يحيا تيغوق لاگي، فس اکو دغر سوارا

ملاءيکه بريو۲ برجوتا۲، تاء هابيس نق بيلغ. دي دوق برديري
سکلييلغ تحت تغه تو، مخلوق توهن امفت بغسا، سکالي
دغن فواق کتوا ساءني تو.

12 فس دي فاکت فوجي دغن سوارا درس کات:

انق کيس هق کنا سمليه ده تو، سوغ فاتوت
کيت مفاکو کات، کواس، ککيان، کبيجقسانان،
کقواتن، سموا جاني هق دي بلاک!
سوغ فاتوت جوگ، کيت حرمة فوجي کا دي،
کات دي هق مليا سکالي!

13 لفس تو، اکو دغر سموا مخلوق سلوروه دنيا، هق دوق دلاغيث،
اتوا ربومي، دالم تانه اتوا دالم لائوت فون، سموا تو فاکت
کات:

کيت فوجي کا توهن هق دوق اتس تحت تو،
سکالي دغن انق کيس. سوغ فاتوت کيت حرمة کا دي،
کران دياله هق يغ مهامليا، مهاکواس، بوات سلام۲!
14 فس مخلوق توهن امفت بغسا تو فاکت کات: امين! فواق
کتوا فون سجود نق سمبه کا دي هق دوق اتس تحت تو
جوگ.

باب 6 انق کيس سکه ليلين ۲ هق دوق برتري

1 لفس تو، اکويحيا نمفق انق کيس سکه بري تريوک ليلين

هق مولا۲ دگولوغ تو، فس اکو دغر سا دالم امفت بغسا مخلوق
توهن تو، سبوت دغن سوارا درس، بوپي سروف گوروه، کات:
2 ماريله! فس اکو تيغوق نمفق سئيکور کودا فوتيه. اورغ نايک
کودا تو، دوق فکغ باور انق فانه. فس دي بوليه سبواه
مهکوت. دي فون توبيت جاني سروف هق منغ ده، تافي نق
منغ لاکي.

3 بيلا انق کيس سکه بري تريوک ليلين هق کودا، اکو دغري

- هق کدوا دالم امفت بغسا مخلوق توهن تو کات: ماريله!
 4 فس سټيکور کودا ميره مپالا، توبيت ماري فول. اورغ هق ناءيك
 کودا تو، تڅکوغ جواب دي، کنا کي هارو اورغ اتس دنيا، بري
 جادي بونوه مواکو سام سنديري. فس ئي بوليه فدغ سبيله،
 هق بسر.
- 5 بيلا انق کيس سکه بري تريوک ليلين هق کتيگ، اکو دغر
 سوارا ئي هق کتيگ دالم امفت بغسا مخلوق توهن تو، کات:
 ماريله! فس اکو تيغوق نمفک سټيکور کودا هيتم. اورغ ناءيك
 کودا تو دوق فکغ کيلو منيمبغ.
- 6 فس اکو دغر بويي سروف سوارا هق توبيت دتغه امفت بغسا
 مخلوق توهن تو، کات: اوفه سهاري فادن بلي سچوق برس
 ساج! اتوا هق موره فد برس تو فون، بوليه بلي تيگ
 چوق سهاري. تافي جاغن بري ناءيك هرگ مييق زيتون دغن
 اير بواه جابيت، بارغ هق مهل ده تو!
- 7 بيلا انق کيس سکه بري تريوک ليلين هق کاءمفت، اکو دغر
 ئي هق کاءمفت دالم امفت بغسا مخلوق توهن تو، کات:
 8 ماريله! فس اکو تيغوق نمفک سټيکور کودا چاي هيغو فوجت.
 اورغ هق ناءيك کودا تو، گلران دي: موت، فس توان دوق
 جاگ تمفت اورغ ماتي فون توروک بلاکغ. دوا تو بوليه کواس
 اتس مائسي دالم دنيا، سکیان دالم امفت بکیان، نق بونوه
 هق سکیان تو دغن جالن فرغ، کماراو، توروک فپاکيت تروق
 اتس ئي، اتوا فون لفس بناتغ ۲ بيغکيغ هق دوق اتس دنيا.
- 9 بيلا انق کيس سکه بري تريوک ليلين هق کلیم تو، دباوه
 تمفت بوات قربان کا توهن، اکو نمفک روح اورغ ۲ هق کنا
 بونوه، کران ئي رویت خبر باءيك هق توهن دغن تاء فوتوس
 ناءيك سقسسي جوگ.
- 10 ئي مناءوغ دغن سوارا درس کات: يا ربّي یغ مهاکواس، هق

سوچي، هق بنر کاتيک! لام مان لاڳي کنا ننټي، رڼي نق جاتوه حکوم اتس اورغ ۲ دنيا، بالس کا دي هق بونوه فواق کيت ني؟

- 11 لفس تو، گنف ۲ اورغ هق مناءوغ ساءني، بوليہ باجو جوبه فوتيه، سلاءي ۲ سئورغ، فس دي کنا سوروه دوق صبر سبنتر، ننټي هيگ چوکوف سمفرن ده، بيلاغن اديق براديق هق کرج کا توهن سروف دي، نق کنا بونوه سروف دي جوگ.
- 12 بيلانق کينس سکه بري تريوک ليلين هق کاءنم تو، اکو تيغوق نمفق بومي دوق برکوچق تروق. متھاري جادي گلف سروف کائين فرغ هيتم، فس بولن فون جاني ميرھ سروف داره.
- 13 بينتغ ۲ فول، جاتوه کا بومي سروف بواه ارا لوروھ، فولس دريپوت. لاغيټ فون کهور ۲ هيلغ سروف سبيدغ لير هق
- 14 کهور ۲ گولوغ ناءيك کا اتس. گونوغ ۲ دغن فولو ۲ فون براليه فد تمفت سديا.

- 15 لفس تو، اکو نمفق راج ۲ دنيا، سکالي دغن فمرينته ۲، کفلام عسکر، اورغ ۲ کاي، اورغ ۲ هق ادکواس، سموا هق جاني همب اورغ اتوا تاء بياس جادي همب فون، سموا توکي منوسوف ديري دالم گوا ۲، اتوا دچله ۲ باتو دگونوغ.
- 16 فواق تو مناءوغ مينتاء تولوغ دغن گونوغ ۲ باتو ۲ تو، کات: تينديهلھ اکو! سوسوفله بري ليندوغ درفد مات ۲ دي هق دوق اتس تحت تو، فس درفد مرک انق کيس! کران هاري هق
- 17 دي نق تورون مرک تو سمفي ده، فس تنتو تاء اد سئورغ هابوق بوليھ ترکم کي لاون دي!

فواق اسرائيل هق سجاتي 144,000 اورغ

باب 7

- 1 لفس تو، اکو يحييا نمفق ملايکه امفت اورغ هق دوق برديري دامفت بوچو بومي، دوق ننټي تاهن اغين هق ماري

بوچوډي ماسيغ، ٢، تاء سیر بري اغین مان ٢ سیوف اتس بومي،
دالم لاءوت اتوا سیوف فوهون کایو فون .

2 فس اکو نمفق ملائیکه هق لاین فول، ماري دسبله متھاري
نائیک. ري باواۍ بسی هق فوکول چف جاني تندا توهن هق
دوق هیدوف سعمور. ري فون رويت دغن سوارا درس کا
ملائیکه امفت اورغ تو، هق توهن بري کواس کنا تغکوغ
جواب بوات خیانه کا دارت دغن لاءوت.

3 ملائیکه سئورغ تو فون کات: جاغن خیانتله دارت دغن لاءوت
اتوا فوهون ٢ کایو فون . ننټي کیت نق فوکول چف تندا

توهن رداھي اورغ ٢ هق کرج کا توهن دولو، بارو بوليه خیانه!
4 فس اکو یحبا بوليه دغر ده، سبايق مان اورغ ٢ هق تندا چف

ساءني تو. جاني سراتوس امفت فولوه امفت ریبو اورغ سماء،
هق توبیت کي فوکول چف دالم دوا بلس فواق هق بغسا

5 اسرائیل. فس توبیت کي فوکول چف دوا بلس ریبو اورغ
6 دالم گنف ٢ فواق تو، یاءیت فواق یهودا، فواق ریوین،

7 فواق گادر، فواق اشیر، فواق نفتالي، فواق مناسيه، فواق
8 صیميون، فواق لیوي، فواق ایسکار، فواق زبولون، فواق

یوسف، فس هق سود سکالي فواق بینجامين .

فواق رامی تاءهابیس نق بیلغ

9 لفس فد تو فول، اکو یحبا تیغوق نمفق اورغ دوق
ستومفوق رامی، تاءهابیس نق بیلغ. اد هق ماري گنف ٢ فواق،

گنف ٢ نگري، گنف ٢ بهاس هق کیچیق سرات دنيا فون. فس
اورغ هق ستومفوق تو دوق مغبهاردف تحت دافن انق کییس.
ري فاکي باجو لابوه فوتيه، فس دتاغن ري فکغ فلفهه ٢ تامر.

10 ري فاکت مناءغ دغن سوارا درس کات: توهن هق دوق اتس
تحت، دغن انق کیيسله، هق بري کیت سلامت!

- 11 سموا ملائیکه دوق برديرې سګليليغ تحت تو. فواق کتوا سګالي دغن مخلوق توهن امفت بغسا دوق اد دالم تو. فس فواق ملائیکه فاکت سجود تحت تو، دغن سمبه کا توهن، کات:
- 12 سوغ فاتوتله کيت فوجي توهن، کران دي مليا دغن بيچقسان تو. سوغ فاتوتله کيت اوچف تريما کاسيه کا دي دغن حرمة، کران دي اد کواس سلام ۲ ث، امين.
- 13 لفس تو، اد سئورغ دالم فواق کتوا تو، تان اګو يحييا کات: سياف دي، اورغ ۲ ني، هق فاګي جوبه فوتيه تو؟ دي ماري دمان؟
- 14 اګو يحييا فون جواب کات: امب تاء تاهو توان، توانله هق تاهو. دي فون رويت کا اګو کات: اورغ ۲ نيله هق بياس منغ ده تکه دي کنا پان تروق تو. دي باسوه ده فکاین دي بري چوچي فوتيه، دغن سابيت داره انق کييس تو.
- 15 دغن سابيت توله، دي بوليه مځهادف تحت توهن، دوق کرج کا توهن سياغ مالم، دتمفت سمبه کا دي تو. فس توهن هق دوق اتس تحت تو نق فرليندوغ فواق تو، بري بوليه دوق سنغ.
- 16 دي تاء کنا لافر اتوا دهاک فون، دي تاء راجين کنا متھاري، اتوا فانس تريق ستارا مان فون دي تاء کنا جوګ.
- 17 کران انق کييس هق دوق دتغه تحت تو نق جادي سروف توان پيريغ هق موليق، نق هيلق دي ګي چاري اير، دتمفت اير توبيت سعمور. فس توهن سنديري ماري نق سافوس اير مات دي بري هيلغ هق بري دي ترياق تو.

انق کييس سکه ليلين هق کتوجوه

باب 8

- 1 بيلا انق کييس سکه بري تربوک ليلين هق کتوجوه تو، سموا دشرګ فون دوق سپف سوپي، لبيه کورغ ستغه جم.
- 2 لفس تو، اګو نمفق فواق ملائیکه توجوه اورغ، هق دوق مځهادف توهن سعمور تو، فس دي بوليه سرونې، سفونتوغ ۲

- 3 سئورغ. ملائكة سئورغ لاگي فون ماري دوق بريري، دتمفت بوات قربان. دي دوق فگغ بکس بوه کمڼن، هق بوات دغن مس. فس دي بوليه کمڼن بايق، نق بري بوليه گاډول دغن دعا ۲ اورغ ۲ هق جادي ميليق توهن، انتوق نق سره دتمفت قربان، هق بوات دغن مس تو، هق دوق ددافن تحت.
- 4 فس اسف کمڼن هق توبيت دالم بکس دتاغن ملائكة، هق دوق مغمادف توهن تو، نايک سکالي دغن دعا ۲ فواق هق جادي ميليق توهن.
- 5 فس ملائكة امبيق بکس کمڼن تو، کي بوه بارا افی هق اد دتمفت بوات قربان، بري فنوه. فس دي تاهوق سموا تو کا بومي. با دي تاهوق تو، سوارا يويي درس، گوروه مانه، کيلت فيات ۲، بومي فون برکوچق.

سروني توجوه فونتوغ

- 6 لفس تو، ملائكة توجوه اورغ تو امبيق سروني دي سيمفن
- 7 نق سيوف. ملائكة هق مولا ۲ سيوف سروني دي. هوجن باتو دغن افی هق چمفور دغن داره فون رمبس تورون کا بومي. فس بومي فول، سگيان دالم تيگ بگيان ترياکر هابيس. فوهون ۲ کايو فون سگيان دالم تيگ بگيان ترياکر هابيس جوگ، فس، رمفوت ۲ هق هيچو اتس بومي فون هاغوس هابيس.
- 8 ملائكة هق کدوا فول سيوف سروني دي. فس اد سکارا هق روف سروف گونوغ بسر دوق مپالا، کنا تاهوق دالم لاهوت.
- 9 فس سگيان دالم تيگ بگيان اير لاهوت جادي داره. سگيان دالم تيگ بگيان هق هيدوف دالم لاهوت فون ممفوس. فس سگيان دالم تيگ بگيان کفل فونه هابيس.
- 10 ملائكة هق کتيگ فول، سيوف سروني دي. فس بينتغ هق بسر سبوتير، مپالا تورون دلاغيت سروف دامر، جاتوه

- 11 اتس سرګيان دالم تيګ بګيان سوغي دغن اير مات هق توبيت
 اتس دارت. نام بينتغ تو، فیدو. سګيان دالم تيګ بګيان اير
 فون جادي فاهيت، فس بايق اورغ ماتي کران اير فاهيت تو.
- 12 ملايکه هق کاهفت فون سيوف سرونې ي فول. فس سابيت
 سيوف تو، سګيان دالم تيګ بګيان متھاري، بولن، دغن
 بينتغ ۲، چھيا ي هيلغ. سياغ هاري فون کورغ چره فدولو،
 سګيان دالم تيګ بګيان، چھيا ي تو. مالم فول سروف تو
 جوگ، کورغ چره فدولو.
- 13 لفس تو، اکو يحيا نمفق، فس اکو دغر، سئيکور بوروغ کاغق
 هق دوق تربغ تيغکي اتس اودارا، فس ي دوق سبوت دغن
 سوارا درس کات: نق تروق، هابيس ۲ چيکف تروق کا اورغ ۲
 هق دوق ار لاګي اتس بومي، تکه ي دغر سوارا هق ملايکه
 تيګ اورغ لاګي تو دوق نق سيوف.

بوبي سرونې هق کلیم، هق کاهم

باب 9

- 1 ملايکه هق کلیم فون سيوف سرونې ي، فس اکو نمفق
 بينتغ سبوتير هق ماري اتس لاغيت، جاتوه کا بومي. فس
 ي بوليه انق کونچي هق بوات بوک فينتو لوبغ لومبوغ هق
 تاهار فنتت، تمفت شيطان ۲ دوق ننټي هاري قيامه.
- 2 بينتغ تو فون بوک فينتو لوبغ لومبوغ هق تاهار فنتت ساهني.
 اسف توبيت بايق دالم تو، سروف هق توبيت تمفت اورغ
 منغا، سهيغک متھاري دغن اودارا فون جاني گلف،
 فرليندوغ داسف هق توبيت دالم لوبغ تو.
- 3 فس هق توبيت ماري دالم اسف فول، جادي بلالغ ۲ دوق
 برجالن اتس بومي. فس ي بوليه کواس سروف دغن کواس
- 4 کالا چغکيغ. فس ي بوليه لارغ، جاشن خيانه رمفوت اتس
 بومي، اتوا فوهون ۲ کايو، اتوا تنامن مان ۲ فون.

- هق بلالغ بوليه خيانه، مءنسي هق تاءار تندا فوكول چف
توهن رداهي ساج.
- 5 تاء بئر بري بلالغ ۲ تو بونوه اورغ ۲ ني، تافي هق يي بوليه،
بري سيقسا ساج سلام ليم بولن. ساكيت تو بوليه بنديغ
سروف دغن اورغ كتيق دكالا جغكيغ.
- 6 دالم فرياغ ليم بولن تو، مءنسي دوق نق كا ماتي، تافي
تاءليه. ري براس دوق نق تركم موت، تافي موت تو نق
مپليت كي كا لاءين.
- 7 بلالغ ۲ تو، روف يي سروف كودا ۲ هق دوق سيف ده نق
برلاون. اتس كفلا يي ماسيغ ۲، ار روف سروف مهكوت هق
بوات دغن مس. موك ۲ يي سروف مءنسي.
- 8 رمبوت يي فنجغ سروف اورغ بتينا، كيكي يي فون سروف كيكي
9 سيغا. تافيه دادا يي برسيسيغ سروف باجو بسي. فس
بوپي سوارا تريغ فول، سروف سوارا كريت كودا بايق بوتير،
تركم ماسوق نق لاون.
- 10 ايكور يي ار سغت هق بيسا سروف كالا جغكيغ. فس ايكور
يي توله هق ار كواس بري مءنسي سيقسا ساكيت سلام ليم
بولن.
- 11 يي ار راج هق دوق مريته اتس يي. فس راج ني، ياءيت
ملايكة هق ار تگكوغ جواب توغكو لوغ لومبوغ هق تاءار
فنتت ساءني. نام يي دغن بهاس عبراني: ابادون، دغن
بهاس گريك: افوليون. كدوا تو، معنا يي: خيانه.
- 12 سوده ده بالا هق ني. فس ار روا لاكي هق دوق هاف.
- 13 ملايكة هق كاءنم فون سيوف سروني يي، فس اكو دغر
سوارا هق توبيت دتندوق ۲، دامفت بوچو تمفت قربان
هق بوات دغن مس، هق دوق دافن توهن تو.
- 14 سوارا تو سوروه ملايكة هق كاءنم، هق سيوف سروني

- سائي، کات: لفسله ملائیکه امفت اورغ تو، هق دوق کنا
ايکت دتغي سوغي بسر هق نام فرات تو.
- 15 امفت اورغ ملائیکه هق دوق کنا ايکت تو، ري دوق سيمفن
سيف لام ده، ننتي تاهون مان، بولن مان، هاري مان، جم
مان فون، هق توهن لتق بري ري بوليه کي بونوه سکیان
دالم تيگ بکیان ماء نسي اتس دنيا.
- 16 فس سموا فواق هق ناء يک کودا توروت ري کي فرغ تو، اکو
دغر ده بيلاغڻ ري، سبايق روا راتوس جوتا اورغ.
- 17 فس جاني بالس نيله، کودا ۲ هق اکو نمفق سروف دالم
ميمفي تو. اورغ ۲ هق ناء يک کودا تو فاکي باجو بسی، سلائي
تيگ چهيا، ميره سروف افي، بيرو سروف مات نيلم، فس
کونيغ سروف بليرغ بوسوق. کفلا کودا سروف کفلا سيغا،
فس هق توبيت دالم مولوت ري تو، افي، اسف دغن بليرغ.
- 18 فس افي، اسف، بليرغ هق توبيت دالم مولوت کودا سائي
تو، جادي بالا تيگ فرکارا، هق بونوه سکیان دالم تيگ
بکیان ماء نسي اتس دنيا.
- 19 کران کواس کودا تو دوق دالم مولوت کاتيقي، دالم ايکور کاتيقي.
هوجوغ ايکور ري سروف کفلا اولر، فس کو کفلا تو ري
بوات سيقسا کا اورغ.
- 20 تافي ماء نسي روا بکیان لاکي، هق تاء کنا بونوه دبلا تو،
ري تاء تيغل کرج ۲ هق ري بوات سنديري، يائيت برهالا ۲
هق بوات دغن مس، فيرق، تمباگ، باتو اتوا کايو، ولو
ري تاهو کات برهالا ۲ تو تاء ليه نمفق، تاء ليه دغر اتوا تاء
ليه برجالن فون. فس سمبه کا شيطان ۲ فون، ري تاء برهننتي
جوگ. ري دوق کاچڻ بونوه اورغ، خيانه کا اورغ، بوات
21 چافوغ اتوا چوري فون دغن تاء فوتوس.

ملاءيکه هق باوا ګولوغ کچيک

باب 10

- 1 لفس تو، اګو يحييا نمفق ملاءيکه سئورغ لاکي، هق کواس
 دي بسر. دي دوق تورون دشرګ، فس دوق سليموت دغن
 اون. باليق اتس کفلا دي ار ګان. موک دي برسینر سروف
 متھاري، فس کاکي دي سروف تياغ هق توبيت افي لار ۲.
- 2 دي دوق فکغ ګولوغ هق کچيک هق تريوک ده. فس کاکي
 کانن دي لتق دالم لاءوت، کاکي کيري لتق اتس دارت.
- 3 فس دي سرو بويي درس سروف سيغا دوق مناءوغ. بلغ ۲
 دي سرو تو، ګوروه دتوجوه تمفت جواب سکالي، سروف
 دغن سوارا سا.
- 4 لفس فد ګوروه جواب تو، اګو يحييا فون سيمفن نق توليس،
 تافي ار بويي سوارا هق ماري دشرګ، لارغ اګو کات:
 کاتوفله! جاغن توليس بري تريوک هق ګوروه توجوه تو بويي
 سائي!
- 5 فس ملاءيکه هق اګو نمفق دوق ترکيغکيغ سائي تو، دي
 اغکيت تاغن کانن نائيک کا لاغيت، جادي تندا نق برسومفه
- 6 اتس نام توهن هق دوق هيذوف سعمور، توهن هق بري
 جادي لاغيت، بومي، لاءوت سکالي دغن سمو هق مان ار،
 باوه اوغکوف لاغيت ني.
- 7 ملاءيکه کات: تاء کما ننني لاکي! با ملاءيکه هق کتوجوه تو
 سيوف سروندي، نق جادي سلالو هق توهن چارغ نق
 بوات تو، رهسيا هق دي بوک ده کا نبي ۲ دي دولو!
- 8 فس اګو دغر سکالي لاکي، سوارا هق ماري دشرګ تو، سوروه
 اګو کات: کيله، امبيق سورت ګولوغ هق دوق تريوک دتاغن
 ملاءيکه هق دوق ترکيغکيغ دالم لاءوت دغن دارت تو!
- 9 اګو فون کي کا تمفت ملاءيکه، فس اګو مينتاء دي بري کا اګو

- گولوغ کچيک تو. ښي کات کا اکو: اميقله، ماکن، گولوغ ښي!
تکه دوق ډالم مولوت تو، نق مانيس سروف مانيسن مډو،
تافي بيلا ماسوق ډالم فروت ده، نق ماسم بري موار.
10 اکو فون اميقي گولوغ کچيک رتاغن ښي، ماکن ساللو. ډيبيير
مولوت کو ډراس سروف مانيسن مډو. تافي بيلا تلن ده ډراس
ماسم، جاني موار فروت.
11 اکو فون بولييه تاهوکات، کنا کي رويت سکالي لاکي، بري ميمفي
فرمان توهن ډافن اورغ ۲ بايق نگري، بايق بغسا، دغن راج ۲
فون.

چارا حال دوا اورغ سقسقي

باب 11

- 1 لفس فد تو، اکو يحييا بولييه کايو فغوکور، روف ښي
سروف توغکت. فس ډ سوارا سوروه اکو کات: باغونله! کي
اوکور تمفت سمبه کا توهن، دغن تمفت بوات قربان، فس
کنا کيرا جوگ، بايق مان اورغ ۲ هق سمبه کا توهن ډالم تو.
2 تافي تاء سه اوکورله لامن ۲ دتغي تمفت سمبه کا توهن. کران
هق تو چادغ کا فواق ۲ هق تاء سير کتل توهن، دودوق.
سلام امفت فولوه دوا بولن، فواق تو نق ډرجالن گوفوه گافه
ډالم کوت هق فغکيل سوچي تو، باليق لوار فد تمفت سمبه
کا توهن.
3 فس توهن کات، فد ماس تو جوگ، ښي نق هنتر دوا اورغ
سقسقي، هق فکاین ښي کائين بنغ کاسر، فس نق بري ښي
کواس بولييه ميمفي فرمان توهن، سلام سريبو دوا راتوس انم
فولوه هاري تو.
4 دوا اورغ هق جاني سقسقي سائي، ياءيت ميسل سروف فوهون
زيتون دوا فوهون، اتوا تياغ فليتا دوا فونتوغ تو، هق دوق
ډافن توهن، هق جاني ربي اتس بومي.

- 5 دوا اورغ سقسي تو سمبور دغن افي ، هق توبيت دمولوت يي ،
بري فونه هنجور هابيس اورغ مان هق جايي سترو يي ، بوات
خيانة كا يي . تنتو سياف ۲ هق بوات خيانة كا يي بالاس مان ۲
فون ، نق كنا بونوه سروف تو جوگ .
- 6 يي ار كواس بوليه كاتوف لاغيت تاء بري هوجن ، سلام يي
دوق ميمفي فرمان توهن تو . فس يي ار كواس اتس اير مات
مان ۲ فون ، نق اوبه اير تو بري جايي داره . اتس بومي فول
يي ار كواس جوگ ، بوليه تورون بالا ماچم ۲ ~~هيس~~ ، بيلا ۲
فون ايکوت كهندق يي .
- 7 سلسي بلاک ده هق يي دوق ناءيك سقسي كا اورغ تو ، باروله
بناتخ هق ناءيك توبيت دالم لوبغ لومبوغ هق تاء ارفنت تو ،
نق کي برلاون دغن سقسي دوا اورغ تو . فس بناتخ منغ ،
بونوه سقسي تو .
- 8 مایت ۲ سقسي نق دوق ترباريغ دتغي جالن ، دالم کوت بسر ،
تمفت ربي يي كنا بونوه دکايو امفت چايغ دولو تو . فس
نام بندر تو ، اورغ نق ککر فغکيل : صودوم ، اتوا مصير .
- 9 فس اورغ ۲ دبايق نگري ، بايق فواق ، بايق بغسا فون ، نق
فاکت ماري اينتي مایت ۲ تو ، هيغک سمفي تيگ هاري ستغه ،
تاء بنر بري تانم يي .
- 10 فس اورغ ۲ هق دوق ار اتس بومي لاگي تو ، براس موجور کران
دوا اورغ سقسي تو ماتي . يي فاکت راي ، فس هديه بارغ کي
ماري مواکو ، سبب دوا اورغ سقسي تو بياس ميمفي فرمان
توهن کا يي ، بري سوسه .
- 11 تافي لفس فد تيگ هاري ستغه تو ، نفس هق ماري دتوهن
ماسوق دالم توبوه مایت بري هيذوف . يي فون باغون برديري .
فس سموا اورغ هق نمفق ، براس ترکجوت تاکوت ساعت .
- 12 لفس تو فول ، دوا اورغ سقسي سائي نغر سوارا درس ، هق

ماری دشرگ، دوق کات کا دي: ماريله ناءيك کا اتس ني!
تغه سترو ۲ دي دوق تيغوق، دي فون ناءيك ماسوق دالم اون
کي کا شرگ.

13 تکه تو جوگ، بومي جايي برکوچق تروق. دالم کوت توسکيان
دالم سفولوه رونتوه هابيس. توجهه ريبو اورغ ماتي، دغن
سابيت بومي برکوچق تو. فس اورغ ۲ هق دوق ار لاکي تو،
دوق تاکوت کتر کنالغ. دي فون فوجي کا توهن هق دوق ار
دشرگ، مگاگو کات کواس توهن بسر سوغکوه.

14 سوده بالا هق کدوا تو. فس هق کتيگ تغه دوق هادف.

ملاءيکه هق کتوجهه سيوف سروني دي

15 ملاءيکه هق کتوجهه فون سيوف سروني دي، فس دالم
شرگ ار سوارا ۲ هق درس کات:

لاني سمفي ده ماس هق توهن امبيق ده فرينته دي
دالم دنيا. کواس تو دوق دتوهن، فس دوق
دالمسيح هق توهن جنجي نق جايي راج تو!
دياله هق نق مريته بوات سلام ۲!

16 فواق کتوا روا فولوه امفت اورغ، هق دوق اتس تحت دي
دافن توهن توفون، سجدو نق سمبه کا دي کات:

17 يا ربّي، توهن یغ مهاکواس، هق ار سممور، دي

اوال سمفي کا لاني فون، فواق اکو ماري نق اوچف

تريما کاسيه کا توهن، سبب توهن امبيق دوق فاكي

ده، کواس یغ بسر تو، نق مولاءي مريته دغن سمفرن.

18 دولو، فواق ۲ هق تاء کنل توهن ناءيك فانس، براس نق

موريه، تافي لاني، ماس توهن نق مرک سمفي ده!

فس سمفي ده جوگ، ماس توهن نق کرت سين اتس سموا

اورغ ماتي. اورغ ۲ هق کرج کا توهن، دغن اورغ ۲ هق

ترېما نعمة بوليه مېمفي فرمان توهن، دغن سمو
 هق جايي ميليقي توهن هق سمبه کا دي کچيک بسر
 فون، نق بوليه هديه بلاک. تافي اورغ ۲ هق بياس
 خيانه بري هنجور بومي، سمفي ده فرياغ ري
 سنديري نق کنا هنجور فول !

19 سور هق دي کيچيقي تو، تربوک ساللو تمفت نق سمبه کا
 توهن دشرگ. فس دالم تو بوليه نمفق فتي هق بوات تاروه
 فرجنجين توهن دغن مائسي تو. تکه تو جوگ، کيلت فيات ۲،
 گوروه سکالي دغن مانه، بومي برکوچق، هوجن باتوفون تورون
 لبت ساللو.

اورغ بتينا دغن ناگ

باب 12

- 1 لفس تو، تيمبول دلاغيث سکارا هق فليقي ساعت. اد سئورغ
 بتينا، فکايڼ ري متھاري. باوه تافق کاکي دي اد بولن، فس
 اتس کفلا ري، بينتغ دوا بلس بوتير، هق جايي مېکوت دي .
- 2 اورغ بتينا تو ساکيت دکت نق برانق، فس سيقسا دي تروق،
 هيغگ سمفي ترياق.
- 3 فس تيمبول سا لاگي دلاغيث هق فليقي ساعت. اد سئیکور ناگ
 ميره هق بسر. کفلا ري توجوه بوتير، تندوق سفولوه فونتوغ.
 فس اتس کفلا ري توجوه بوتير تو، اد مېکوت توجوه بوتير.
- 4 ايکور ري فول دوق کاوت بينتغ ۲ دلاغيث، سگيان دالم تيگ
 بگيان، رمبس کا بومي. فس دي دوق برديري دافن اورغ بتينا
 هق تغه نق برانق تو، دوق ننټي نق سمبر، نق ماکن،
 بيلا انق تو توبيت.
- 5 اورغ بتينا تو فون برانق جنتن، هق جايي تيتيس راج،
 هق نق مړينته اتس سموا بغسا، ستارا توغکت بسي هق
 باج کرس تو. فس، با توبيت تو، اد ساتو کواس چرافر

دولو، باوا ناءيك لتق اتس تحت دافن توھن .
 6 مق دي فون لاري كي دودوق دالم فادغ فاسير، رتمفت هق
 توھن چادغ انتوق دي. دسيتوله توھن فيرا دي، سلام
 سريبو دوا راتوس انم فولوه هاري.

موسوه بسر دشرگ

7 لفس تو، دشرگ جاني موسوه بسر. ميكائيل دغن فواق
 دي دوق لاون دغن ناگ تو. فس ناگ سكالپ دغن ملائكة ۲
 هق دوق سبله دي، لاون جوگ .
 8 تافي دي هاله كا فواق ميكائيل تو، فس ناگ دغن ملائكة ۲
 دي تو، توھن تاء بنر بري دودوق دشرگ ده .
 9 سابيت تو، ناگ هق بسر تو كنا بواغ تاهوق . دياله هق
 جاري اولر جق ماس دولو تو . جيلا، دي هق گلر هييليس،
 اتوا كفلا شيطان ۲، هق دوق منيفو اورغ سلوروه دنيا . دي
 كنا رمبس كا بومي، سكالپ دغن ملائكة ۲ هق دوق سبله دي .
 10 فس اكو يحياني دغر سوارا درس هق ماري دشرگ كات: لاني
 سمفي ده ماس هق توھن بري سلامت كا فواق هق جاني
 ميليقي دي . لاني سمفي ده ماس هق توھن تنجوق كواس
 دي جاري راج . لاني سمفي ده ماس هق المسيح هق توھن
 جنجي تو، نق تنجوق كواس دي جوگ . كران هييليس هق
 بياس دوق تودوه اديق براديق دالم ميليقي توھن، دافن توھن
 سياغ مالم تاء فوتوس، دياله كنا بواغ توبيت دشرگ فول .
 11 اديق براديق تو فون لاون دغن دي، فس منغ ده، كران دي
 امبيق جاس داره انق كييس تو، فس دغن كران فواق تو
 ناءيك سقسقي رويت هق سبنر. ولو كنا بونوه فون، دي جوغ
 سره پاوا دي .

12 سابيت تو، هي شرگ ! مو سوک هاتيله، سكالپ دغن سموا

- هق دوق دالم مو! تافي بومي دغن لاءوت فول، مو جاگاله!
 نق تروق سوغکوه، کران هيليس تورون دوق مغاموق. ري
 تاهوره کات، ماس ري تاء بايق ده.
- 13 بيلا ناگ کابر کات ري کنا رمبس ده کا بومي، ري فون توروب
 چاري نق اميق اورغ بتينا هق برانق جنتن سائي.
- 14 تافي اورغ بتينا تو، توهن بري ري توموه سايف، سروف
 کاغق بسر، بري ري بوليه تربغ لاري کا ناگ، کي دودوق دالم
 فادغ فاسير، رتمفت هق توهن چادغ انتوق ري تو، نق
 فيرا ري سلام تيگ تاهون ستغه.
- 15 لفس تو، ناگ فون سمبور اير بري جادي به، کوء اورغ بتينا
 16 تو، نق بري ري هاپوت. تافي بومي کسياغ کا اورغ بتينا
 بوک مولوت، ايسف اير، بري کريغ هق ناگ سمبور سائي تو.
- 17 ناگ فون کهور ۲ موريه لاگي کا اورغ بتينا، فس توبيت نق
 لاون دغن انق ۲ لاین هق اورغ بتينا تو، يائيت سمو اورغ
 هق توروب حکوم ۲ توهن، فس نائيک سقس ريوت هق مان
 عيسی بري پات کا ري.
- 18 فس ناگ تو دوق ننتي دفنتي.

بناتغ سئیکور جادي وکیل ناگ

باب 13

- 1 اکو يحيا فول نمفق بناتغ سئیکور هق تيمبول دالم
 لاءوت. ري ار تندوق سفولوه فونتوغ، کفلا توجوه بوتير.
 اتس تندوق ماسيغ ۲ ار مهکوت، فس اتس کفلا توجوه بوتير
 تو، ار توليس نام ۲ هق کجي.
- 2 بناتغ تو، روف ري سروف ريمو بينتغ، کاکي ري سروف
 کاکي برواغ، فس مولوت فول سروف مولوت سيغا. بناتغ
 نيله هق جادي وکیل ناگ، هق ناگ بري تحت کا ري، فس
 بري کواس بسر کاتيغ.

- 3 سبوتير دالم توجه بوتير كفلا بناتغ تو، نمفق سروف ار
لوک تروق، ستارا تنتو کنا ممفوس. تافي لوک ستارا کنا
ممفوس تو، لاني ترکاتوف ده، فس مائسي سلوروه دنيا توروت
بناتغ تو، فس براس ترحيزان جوگ.
- 4 سمو اورغ سمبه کا ناگ، سبب ناگ تو سره کواس يي کا بناتغ
بري جايي وکيل يي. فس فواق تو سمبه کا بناتغ فول کات:
تنتو تاء ار سياف هق سام تيغکي دغن بناتغ ني. تاء ار سياف
بوليه منغ دغن يي!
- 5 سلام امفت فولوه دوا بولن، بئر بري کا بناتغ تو سبوت هق
سومبوغ دغن هق کجي، فس بوليه فاکي کواس يي هق جايي
وکيل تو.
- 6 مولا ۲ يي کجي کا توهن، کا نام يي، کا تمفت توهن دودوق
سکالي دغن سمو هق دوق دالم ليغکوغن توهن دسيټو.
- 7 دالم فرياغ تو فون، بناتغ بوليه کي برلاون دغن اورغ ۲ هق
جايي ميليقي توهن، فس يي منغ. يي بوليه جوگ کواس اتس
گنف ۲ فواق، گنف ۲ نکري، سکالي دغن گنف ۲ بغسا مائسي.
- 8 سمو اورغ هق دوق اتس دنيا فون نق سمبه کا بناتغ تو،
يائيت اورغ مان ۲ هق نام يي تاء ماسوق دالم سورت اورغ
هق بوليه ده هيډوف چارا بارو. نام ۲ هق ار ده دالم
سورت تو، يي کنا توليس بلوم فد دنيا ار لاگي. فس سورت
تو جايي ميليقي انق کيس هق کنا سمبليه تو.
- 9 سابيت توله، اورغ هق ار تليغا، دغر باء يک ۲ له!
- 10 اورغ مان هق جنجي يي کنا ايکت، مستي کنا ايکت. اورغ
مان هق امبيق فدغ نق بونوه اورغ، يي فون نق کنا بونوه
دغن فدغ جوگ. سبب نيله، اورغ ۲ هق جايي ميليقي توهن،
کنا اود سمفي سود، دغن فکغ کجت هق يي فرچاي تو!

بناتځ سټيکور لاکي تيمبول دالم تانه

- 11 لفس تو، اکو يحيا نمفق سټيکور لاکي بناتځ هق تيمبول دالم تانه. ري ار تندوق دوا فونتوغ سروف تندوق پيريځ، تافي سوارا ري فول سروف سوارا ناگ.
- 12 بناتځ هق کدوا ني امبيق کواس بسر ربناتځ هق مولا ۲ تو. فس رافن مات بناتځ هق مولا ۲ تو، بناتځ هق کدوا فون کي فقسا سموا ماء نسي اتس دنيا ماري سمبه کا بناتځ هق مولا ۲، هق کاتوف ده لوک ري تو.
- 13 بناتځ هق کدوا ساءني بوات فرکارا فليق ۲ بسر، ستارا بري افي ماري اتس لاغيت توروں کا بومي فون، رافن مات سموا ماء نسي. جاي، بناتځ هق مولا ۲ تو بر بري بناتځ هق کدوا بوليه
- 14 بوات فرکارا فليق ۲ ساءني، فس کوء جالن ني، ري بوليه منيفو سموا اورځ هق مان دوق ار اتس بومي. ري سوروه سموا اورځ تو بوات فاتوغ، دغن روف بناتځ هق لوک کا فدغ تافي تاء ممفوس تو.
- 15 بناتځ هق کدوا تو فون، ار کبرنر بوليه سيوف نفس دالم فاتوغ تو بري بوليه برکيچيق. فس ري سوروه بونوه اورځ مان ۲ هق تاء جوغ سمبه کا فاتوغ تو.
- 16 ري فقسا سموا ماء نسي کچيک اتوا بسر، کاي اتوا مسکين، هق جاي همب اورځ اتوا هق تاء بياس جاي همب فون، سوروه تيفيق تندا اتس کورا تاغن کانن، اتوا رداهي فون.
- 17 فس ار اوندغ ۲ کات اورځ تاء ليه جوال، تاء ليه بلي، ملينکن ار تندا هق تيفيق ساءني تو، ياءيت نام بناتځ، اتوا نومبور نام ري تو. مستي کا بيچق، کالو نق تاهو بوليه فهم فرکارا ني.
- 18 کالو سياف بيچق فندي کيرا، ري نق بوليه ارتي معنا نومبور بناتځ ساءني تو. نومبور ري تو، نومبور هق ماء نسي، ياءيت 666.

فواق انق کيس پاپي لاگو هق بارو

باب 14

- 1 لفس فد تو فول، اكو يحييا نمفق انق کيس دوق برديري
اتس بوكيت صيون، سكالې دغن سراتوس امفت فولوه امفت ريبو
اورغ، هق اد تيقيق نام انق کيس دغن نام باف دي، دراهي
کنف ۲ اورغ.
- 2 فس اكو دغر سوارا هق ماري دلاغيث، بويي سروف دغن اومبق ۲
دوق يدر، اتوا سروف گوروه دوق مانه. فس هق اكو دغر
تو، بويي سروف دغن اورغ رامي دوق مائين کمبوس جوگ.
- 3 سراتوس امفت فولوه امفت ريبو اورغ سائي، دوق مښادف
تحت توهن، دافن امفت بښا مخلوق توهن سكالې دغن
فواق کتوا تو. فس فواق هق دوق مښادف تو فاکت پاپي
لاگو هق بارو. لاگو هق دي پاپي تو، اورغ لائين تاء فندي
سبوت، ملينکن اورغ هق دوق دالم فواق سراتوس امفت فولوه
امفت ريبو اورغ تو، هق توهن تبوس ده پاوا دي دالم دنيا.
4 فواق اورغ رامي سائي تو، دي اورغ هق دوق سوچي، بوليه
بنديغ دغن انق ترونا تاء بياس ستوبوه دغن اورغ بتينا لاکي.
دي توروک کي بلاکڅ انق کيس سعمور. توهن تبوس ده
پاوا دي دالم اسموا مائيسي، نق بري دوق سوچي انتوق دي،
فس انتوق انق کيس تو، سروف فاني هق مولا ۲ مښتم
تاروه نق فاکي انتوق توهن ساج.
5 فواق ني تاء بياس بوهورغ، دي تاء سيلف سکارا.

حال ملايکه تيگ اورغ لاکي

- 6 لفس تو، اكو يحييا نمفق سکارا لاکي، ملايکه دوق ملايغ
تييگي اتس لاغيث، بلغ ۲ کوسنر خبر بايک هق ککل تو،
انتوق نق بري تاهو کا مائيسي هق مان اد اتس بومي، هق

- گنڦ ۲ نكري، هق گنڦ ۲ فواق، هق گنڦ ۲ بغسا فون.
- 7 ملائڪه تو دوق سرو کات: تاڪوتله کا توهن، فس فوجيله کا دي، کران هاري قيامه دکت ده! سمبيله کا دي هق بري جادي لاغيت دغن بومي، لاءوت دغن اير مات فون!
- 8 فس ملائڪه هق کدوا توروت ملائڪه هق دولو تو، سرو کات: هاله ده، نكري بابيلون هق اورغ کات کواس بسر تو، هاله ده! دي بيلاس فقسا بغسام لائن سما، بري مينوم اير جابيت ماسم هق دي، نق بري بغسام تو امبيق سکیان دالم چافوغ هق دي بوات سعمور!
- 9 لفس تو، ملائڪه هق کتيگ توروت بلاکغ ملائڪه دوا هق دولو تو، فس دي سرو کات: اورغ هق سمبه کا بناتغ اتوا فاتوغ دي تو، هق تيفيق دداهي اتوا دکورا تاغن فون، اورغ تو تنتو نق کنا مرک تروق دتوهن، سروف دي کنا
- 10 فيقسا مينوم ارق هق تاء چمفور اير لاکي، دالم چاون هق توهن بري. دي نق کنا سيقسا تروق ساغت، دغن افي سکالي دغن بليرغ بوسوق، دافن ملائڪه ۲ هق سوچي دغن انق کيس تو.
- 11 افي هق بري سيقسا دي تو، توبيت اسف تاء برهنتي ۲، سياغ مالم تاء فوتوس، کفد اورغ مان ۲ هق سمبه بناتغ اتوا فاتوغ دي فون، فس کفد اورغ مان ۲ هق اد تندا نام بناتغ تو.
- 12 سبب نيله اورغ ۲ هق جادي ميليق توهن، کنا اور سمفي سود، ياءيت سموا هق طاعة کا حکوم ۲ توهن، هق هاتي دي نيات بولت کا عيسی.
- 13 لفس تو، اکو يحيا دغر سوارا هق ماري دشرگ کات: توليسله هق اکو نق رويت ني! امبيق دماس لانې نايک کي، براونتوغله کا اورغ هق بوات کرج کا ربي سمفي کا ماتي! روح توهن فون ستوجو جوگ کات: نق براونتوغ سوغکوه!

ي نق هيلغ سوسه درفد کرج دي، کران جاس يي کرج تو،
نق توروت بلاکغ دي!

14 اکو فون نمفق فول اون فوتيه، فس دودوق اتس تو، سکارا
مخلوق هق روف يي سروف مائسي. اتس کفلا ار مهکوت
هق بوات دغن مس، فس هق دي دوق چکچ دتاغن، سادف
تاجم سبيله.

15 لفس تو، ملائیکه سئورغ لاکي توبيت دالم تمفت بوات سمبه کا
توهن. دي سرو کا مخلوق هق دوق اتس اون سائي، دغن
سوارا درس کات: فاکيله سادف مو، کي چروت حاصلن! سبب
فرياغ سمفي ده، ميسل سروف دنيا ماسق نق بوليه چروت!
16 فس مخلوق هق دوق اتس اون فون، هايون سادف، چروت
بري سوده دنيا هق ماسق سائي تو.

17 لفس تو، اکو نمفق ملائیکه سئورغ لاکي توبيت دتمفت بوات
سمبه کا توهن دشرگ. دي فون چکچ سادف تاجم جوگ.

18 فس ار ملائیکه هق لائين فول، هق دوق جاگ افي، توبيت
دتمفت بوات قربان. دي مئاوغ کا ملائیکه هق دوق فکغ
سادف تاجم تو، کات: فاکيله سادف مو، رائي بواه جابيت
دکيون جابيت اتس دنيا. کران بواه ۲ تو ماسق لبو ده!

19 ملائیکه فون هايون سادف دي، رائي بواه ۲ جابيت اتس
بومي، ليمفر دالم تمفت فره. کالو بنديغ، فره تو، جادي
سروف مرگ توهن.

20 تمفت فره تو لوار فد بندر، فس هق توبيت دالم بواه جابيت
تو، داره هق مغالير درس، سروف دغن اير به، فنجغ تيگ
راتوس دوا فولوه باتو، دالم فول، لبیه کورغ سدفا.

لاگو هق نبي موسی

باب 15

فس اکو يحييا بوليه نمفق تندا سا لاکي هق فليق، هق

- بري براس خيران ساغت. ار ملائكة توجهه اورغ هق دوق
 تانر بالا توجهه فرکارا سام سئورغ. نيله بالا ۲ هق سود،
 کران دغن بالا ۲ ني، توهن بري پات کات، مرک يي سود ده.
 2 فس اکو تيغوق نمفق لاءوت هق برسینر سروف کاج چمفور
 دغن افی. فس هق دوق بریري دتغي لاءوت تو، ار سفواق
 اورغ هق منغ ده برلاون دغن بناتغ، دغن فاتوغ، فس دغن
 نومبور نام يي تو. فواق تو فون دوق فکغ کمبوس ۲ هق
 توهن بري کا ري.
 3 يي دوق پاپي لاگو نبي موسی، هق جادي همب توهن تو.
 فس لاگو تو ترماسوق فوجين کا انق کيس کاتيق.
 ني بويي ايات ري:
 اوه توهن، ربي بغ مهاکواس!
 بسر سوغکوه، ترخيران ساغت، کرج ۲ توهن ني.
 اوه توهن، راج اتس سموا بغسا!
 جالن هق مو کرج فون، بتول بنر بلاک ده.
 4 تنتو تاءار سياف هق تاءاکوت کا توهن،
 تاءار سياف هق تاء سوغ فوجي کا نام توهن،
 کران توهن ساج هق سوچي، فس سموا بغسا ماءنسي
 نق ماري سمبه کا توهن، کران فرکارا ۲ عاديل
 هق توهن بوات، پات ده!

ملائكة توجهه اورغ باواء بالا هق سود

- 5 لفس تو اکو يحيا نمفق تمفت بوات سمبه کا توهن دشرگ،
 دوق تربوک. دالم تو ار خيمه هق بري تنداکات، توهن
 دوق ار دسيتو.
 6 فس توجهه اورغ ملائكة هق تانر توجهه فرکارا بالا تو، سام سئورغ
 تويت دتمفت سمبه کا توهن ساءني. فکاین يي بوات دغن

- کاین فوتیه جلفق . رادا ري فون بوه تالي کنديت مس .
- 7 فس ار سئورغ دالم مخلوق توهن امفت بفسا تو، بري چاون مس سا ۲ سئورغ کا ملائیکه توجه اورغ تو . چاون تو ایسي فنوه رغن مرک توهن ، توهن هق روق ار سعمور ۲ .
- 8 تمفت بوات سمبه کا توهن تو، ار فنوه رغن اسف ، هق جادي تندا کمليان رغن کواس توهن ، فس تاء ار سئورغ هابوق بوليه ماسوق دالم تو ، ملینکن ملائیکه توجه اورغ تو چوره دولو بري هابيس ، بالا توجه فرکارا تو .

چاون ۲ هق فنوه رغن مرک توهن

باب 16

- 1 لفس فد تو ، اکو یحیا رغر سوارا درس هق توبیت رتمفت بوات سمبه کا توهن تو، کات: کي چورهله اتس بومي ، ایسي مرک توهن هق ار دالم چاون توجه بوتیر تو!
- 2 ملائیکه هق مولا ۲ تو فون کي چوره اتس بومي ، بالا دالم چاون ري . فس اورغ هق ار تندا بناتغ ، فس هق بیاس سمبه ده کا فاتوغ بناتغ تو، تیمبول بیسول ۲ ساکیت هابيس توبوه ، باءو بوسوق تاءليه اود .
- 3 ملائیکه یغ کدوا فون کي چوره بالا دالم چاون ري ، کا دالم لاءوت . ایر لاءوت فون جادي سرورف داره هق اورغ ماتي .
- 4 فس سموا مخلوق هق هیدوف دالم تو ، ممفوس هابيس ملائیکه یغ کتیک فول ، کي چوره بالا دالم چاون ري ، کا دالم سوغي ۲ ، فس کا دالم ایر مات دمان ۲ فون . سموا ایر تو جادي داره هابيس .
- 5 فس اکو یحیا رغر سوارا ملائیکه هق ار تغکوغ جواب جاگ ایر ، کات: اوه یغ مهاسوچي ، هق ار ده دولو ، فس هق روق ار لاني ، سموا هق مو جاتوه حکوم ني عادیل بلاک ده!
- 6 کران ري هق بري تومغه داره اورغ ۲ هق جادي میلیق توهن

- سكالي دغن نبي ۲ دولو تو، لاني دي سنديري توھن فقسا، سوروه ماكن داره. سوغ فاتوتله حكومن توھن جاتوه اتس دي! 7
فس اكو دغر سوارا سا لاكي، هق توبيت رتمفت بوات قربان كا توھن، كات: اوه ربّي، توھن يغ مهاكواس! سغوتيله حكومن توھن بنر فس عاديل جوگ!
- 8 لفس تو ملائكة يغ كءمفت چوره بالا هق اد دالم چاون ري كا اتس متھاري، فس متھاري فول بوليه بري هاغوس كوليت 9
ماءنسي، سروف كنا افې. كوليت ماءنسي ساءني هاغوس كران فانس تريق تو، فس دي سومغه ماكي كا نام توھن، هق اد كواس بنر بري توروون بالا ۲ تو. تافي ماءنسي تو تاءسير فاليغ توبه درفد دوسام دي، انتوق نق فوجي كا توھن كات بسر. 10
ملائكة يغ كلیم فون چوره بالا دالم چاون دي، كا اتس تحت بناتغ، بري سموا هق دوق باوه فرينته بناتغ تو كلف ده. فس ماءنسي كاچيت لیده كران سيقسا دي.
- 11 دي فون سومغه ماكي كا توھن دشرگ، كران توھن بري دي ساكيت تروق هابيس توبوه تو. تافي دي تاء سير فاليغ توبه جوگ، درفد هق دي دوق بوات جاهت.
- 12 لفس تو، ملائكة يغ كاء نم چوره بالا هق اد دالم چاون دي، كا اتس سوغي بسر هق نام فورت تو. سوغي فون جاري كريغ، سهيغك فواق راج هق دوق سبله متھاري ناءيك بوليه برجالن ماري كوء سوغي تو.
- 13 فس اكو نمفق بارغ هق چمر، تيگ ايكور، روف دي سروف كاتق. دي فون توبيت دالم مولوت ماسيغ ۲، دالم مولوت ناگ سئيكور، دالم مولوت بناتغ تو سئيكور، فس دالم مولوت نبي فلسو تو سئيكور.
- 14 سسوغكوھن، هق سروف كاتق ساءني تو، جايي شيطان ۲ هق فندي بوات فركارا فليق ۲. دي فون توبيت كي فغكيل

- سموا راج دالم دنيا ماري برھيمفون انتوق نق فرغ، فد هاري
بسر هق توھن يځ مھاڪواس تو.
- 15 دځرله هق اڪو رڻي دوق رويت ني! تڪه اڪو ماري نون، نق
چوري ماري دځن مځجوت. فد فرياغ تو، براونتوځله ڪا اورځ
هق دوق تاء جنءرا، سيمفن نق بوبوه فڪاين دي سعمور. بي
تاء ڪنا توبيت رومه دځن تلنجڻ بري مالو دافن اورځ رامي.
- 16 فس شيطان ۲ ساءني، فرھيمفون راج ۲ دساتو تمفت. دځن
بھاس عبراني، نام تمفت تو، هرمگيدون.
- 17 لفس تو فول، ملايڪه يځ ڪتوجوه چوره بالا هق اد دالم
چاون ري، داتس اودارا، فس بويي سوارا درس ماري دتحت
دالم تمفت بوات سمبه ڪا توھن، ڪات: سلسي ده!
- 18 با ڪات بالس تو، نمفق ڪيلت فيات ۲ دځن ڪوروه مانه. بومي
فون برڪوچق تروق، تاء بياس جاني سروف ني، جق دماس
توھن بري جادي ماء نسي. بومي هق برڪوچق سڪالي ني تروق
- 19 بنر. فس ڪوت هق اورځ فڻڪيل ڪوت بسر تو، مڻڪه جاني
تيڪ بگيان، فس ڪوت ۲ سمو نڪري فون رونتوه بلاڪ. فد ماس
تو جوڪ، توھن ترايغت ڪا ڪوت بابيلون، هق اورځ فڻڪيل
ڪوت بسر تو، فس بي تورون مرڪ دي اتس ڪوت تو، هق تروق
هابيس ۲ چيڪف. ڪالو بنديڃ، سروف دي فقسا اورځ فرلغڻق
بري ماڪن اير جابيت ماسم، هيڻگ سمفي تاء ار ستيتيق
- 20 هابوق. سمو فولو فون راءيب هابيس، ڪونوځ ۲ فول رات بلاڪ.
- 21 هوچن باتو بسر تورون اتس لاغيث تيمفا ماء نسي. هوچن
تو، سبوتير ۲ برت امفت فولوه ليم ڪيلو، بري ماء نسي دوق
سومغه ماڪي ڪا توھن دځن ڪران بالا تروق تو.

اورځ بيليق هق تيمبول نام

باب 17

لفس تو سئورځ دالم فواق ملايڪه توجوه اورځ هق باوا

چاون تو، ماري کيچيک دغن اکو يحياء، کات: ماريله ! اکو نق
تنجوق بري تاهو بالس مان نق کنا حکوم کوت بسر هق دوق
مريسته دتمفت سوغي بايق تو. تندو کوت بسر تو بوليه
بنديغ سروف دغن اورغ بيليق هق تيمبول نام.

2 راج ۲ سموا اتس دنيا بياس ماري سروف برزنا دغن دي، فس
دي فول بري فنيغ تاء کابر هولو هيلير، کا رعيت ۲ هق دوق
دالم سموا نکري دنيا، دغن کران دي بوات چافوغ دغن فواق
تو.

3 روح توهن فون تورون کواس دي اتس اکو يحياء ني، فس
ملاءيکه باواء اکو کي کا فارغ فاسير فول. ديک نون اکو
نمفق اورغ بتينا سئورغ دوق اتس بناتغ ميره. بناتغ تو ار
نام ۲ سومغه ماکي کا توهن، فنوه توبوه دي. دي ار کفلا
توجوه بوتير، تندوق سفلوه فونتوغ.

4 اورغ بتينا فول فکاي دي بيرو بوتير ستر، ميره توا کاتيک،
دغن بوبوه مکاي مس، مات اينتن بلياغ دغن مات جليم.
دي دوق فکغ چاون هق بوات دغن مس. دالم تو فنوه دغن
بارغ هق چافوغ هابيس ۲ چمر، جادي حاصل هق دي بوليه
دالم هق دي بوات چافوغ زنا تو.

5 توليس دراهي دي ار ساتو نام هق معنا دي دوق سوسوف.
نام تو، کوت بابيلون هق بسر، دي هق جادي مق سموا
هق بوات چافوغ مان ۲، اتوا فون بوات هق تاء سوغ
فاتوت ماء نسي بوات.

6 اکو يحياء فون نمفق کات اورغ بتينا تو دوق مابوق، بوکن
دغن ارق، تافي دغن ماکن داره اورغ ۲ هق جادي ميليق
توهن، سکالي دغن سموا اورغ هق کنا بونوه کران دي
فرچاي سبولت هاتي کا عيسي. با نمفق دي، اکو براس
ترحيران.

- 7 فس ملائكة تان اكو كات: باء اف مو دوق تر حيران گيتو لالو؟
اكو نق بوك بري مو ارتي معنا هق دوق سوسوف چارا حال
اورغ بتينا، دغن بناتغ هق باوا دي، هق كفلا توجهه بوتير
تندوق سفولوه فونتوغ تو.
- 8 بناتغ هق مو دوق تيفوق تو، دولو دي دوق اد، تافي لاني
دق. تاء لام لاكي، دي نق تويت فول، كوء لوبغ لوموبغ هق
تاء اد فنتت تو، انتوق بري جاي دي سنديري فونه هابيس.
فس اد اورغ دالم دنيا، هق نام دي تاء ماسوق دالم سورت
اورغ هق هيذوف چارا بارو، هق تولىس ده بلوم فد دنيا اد
لاكي. اورغ ۲ ني نق براس حيران ساعث، بيلا دي تيفوق
بناتغ هق دولو اد، لاني دق، فس كوء دافن نق تيمبول فول.
9 فركارا ۲ ني، مستحق چاري معنا بري بوليه ارتي. كفلا توجهه
بوتير ساء ني، ياء يت بوكيت توجهه بوتير. داتس تو، اورغ
بتينا دودوق.
- 10 فس بوليه بنديغ جوگ كات، كفلا توجهه بوتير تو، سروف
راج توجهه اورغ. ليم دالم راج توجهه اورغ تو هافوس ده،
سئورغ راج دوق مريسته لاني، فس سئورغ لاكي تو، تغه
دوق ننتي نق تيمبول. بيلا دي تيمبول ده، دي نق مريسته
سبنتر ساج. فس بناتغ تو، هق دولو دوق اد، لاني دق، دياله
11 نق تيمبول سمولا جاي راج يغ كلافن، هق ماري سئورغ
دالم راج توجهه اورغ ساء ني، فس سود سكالې دي نق جاي
فونه هابيس.
- 12 تندوق هق مو نمفق سفولوه فونتوغ تو، ياء يت سروف راج
سفولوه اورغ، هق تاء سمفي فرياغ نق مريسته لاكي. تافي دي
نق بوليه كواس مريسته جاي راج سمنتارا ساج، سكالې دغن
بناتغ تو.
- 13 سفولوه راج ني، توجوان دي سروف. دي نق سره تندا راج

ي دغن کواس دي کا بناتغ تو.

14 فواق تو نق فاکت برلاون دغن انق کييس سځکالي دغن فواق
انق کييس هق يي فيليه سوروه تورووت دي، هق دي بوليه
هارف. فس انق کييس نق منغ، کران دپاله ربي اتس سمو
هق اد کواس، مها راج اتس سمو راج.

15 ملايکه تو رویت کا اځولاکي کات: سوغي ۲ بايق هق مو نمفق
تمفت دودوق اورغ بيليق تو، يائيټ اورغ دالم گنف ۲ نکري،
گنف ۲ بغسا، گنف ۲ فواق فون، هق دوق باوه فرينته يي بلاک.
16 تندوق سفلوه فونتوغ هق مو نمفق، سځکالي دغن بناتغ توفون
نق فاکت بنچي کا اورغ بيليق، هيگک سمفي رمفس سمو هق
مان دي اد، تيغگل دي دوق ترلنچ دسيتو. فواق تو نق
ماکن ايسي دي، فس بري يي هنجور دغن افي.

17 کران توهن کرق هاتي فواق توده، انتوق نق بري يي
بوات کهندق توهن سنديري. سابيت تو فواق تندوق فاکت
ستوجو نق سره کواس دي مرينته تو کا بناتغ، سهيگک
سلسي هابيس سمو هق توهن رویت دولو نق جاي.
18 اورغ بتينا هق مو نمفق سائي تو، يائيټ سروف کوت بسر
هق دوق مرينته اتس سمو راج دالم دنيا.

کوت بابيلون هاله ده

باب 18

1 لفس فد تو، اځو يحيا فون نمفق ملايکه سئورغ لاکي دوق
تورون ماري دشرگ. دي اد کواس بسر، فس کمليان دي بري
چره سرات دنيا.

2 يي مناءوغ کات: هاله ده! کوت بسر هق نام بابيلون تو،

3 هاله ده! لاني يي جاي تمفت مغونجوغ هنتو شيطان. ار
جوگ بوروغ ۲ هق ناجيس، ماچم ۲ جنيس، هق اورغ تاسير
تيغوق، دوق دبابيلون تو.

- 3 کران کوت تو بیاس فقسا بغسا ۲ لاین سماو ، بري مینوم ایر
جابت ماسم هق دي ، نق بري بغسا ۲ تو کنا سکیان دالم
چافوغ هق کوت تو بوات سعمور . راج ۲ سماو اتس دنیا ،
بیاس ماري برزنا دغن کوت تو . فس اورغ منیاگ سرات دنیا
فون جاري کاي دغن جوال بارغ کا کوت تو ، نق بري فواس
نفسودي ، هق دوق نق ۲ سعمور تو !
- 4 لفس تو ، اکو یحیا دغر سوارا سا لاکي ، هق ماري دشرک کات :
هي ، توبیت ماريله سماو هق جادي میلیق کو !
توبیت درفد کوت بابیلون تو ، جاغن ماسوق چمفور
دغن دوسا ۲ دي ، جاغن مو دوق تغکوځ حکومن کوت تو !
کران دوسا ۲ دي برتمبوځ ۲ سمفي کا لاغیت ،
- 5 فس توهن تاء لوف کجھاتن دي تو .
- 6 جاديله کا کوت تو ، سروف هق دي بري جادي دولو ،
بالسن برت روا کالي گندا کا دي فد هق دي بوات دولو .
هق دي فقسا بري اورغ مینوم دولو ، لاني کنا بوه دالم
چاون بري فنوه ، فقسا دي مینوم فول ،
هق بیغکیځ روا کالي گندا فد دولو !
- 7 هق دي بولیه ده انتوق ډيري ، کاي برگدوغ دغن مليا
تو ، لاني کنا ایسي کا دي بري سام برت ، کسیقساڼ
دغن تاغیسن . کران دي دوق کیرا دالم هاتي کات :
اکو ني راج بتینا هق دوق اتس تحت ، بوکن اورغ بوجځ .
اکو تاء کنا مفاروغ دالم کسوساهن بیلا ۲ فون !
- 8 سابیت دي بسرکا ډيري بالس تو ، دالم سهاري دي نق
کنا تیمفا دبالا ۲ بسر ، فپاکیت ، کسوساهن ، لافر ،
فس نق کنا باکر دافي جوگ ، کران ربّي ، توهن ،
هق کرت سین اتس دي ، اد کواس سوځکوه !
- 9 فواق راج د دنیا هق بوات برزنا دغن کوت بابیلون ، تکه دي

- لفس نفسو بوات چافوځ تو، ښي نق ترياق مناغيس کا کوت،
بيلا تيغوق اسف ترپاکر هق توبيت تو.
- 10 ښي نق ډوق جاءوه فد کوت، تاکوت سيقسا تو نق ماري کا ښي
کاتيق. ښي کات: تروق سوغکوه! اوه تاکوت! کوت بسر هق
اد کواس ښي، حکوم دتوهن هابيس ډالم سجم!
- 11 سمو اورغ منياک ډالم دنيا فون ترياق، براس روسيغ کا کوت
تو، کران تاءاد سئورغ هابوق، اورغ هق بولي ه ماري بلي
بارغ فواق منياک ساءني.
- 12 بارغ هق ښي نق جوال تو، ياءيت مس، فيرق، مات اينتن،
مات ډليم، کاءين هق بوات دغن بنغ موليق، کاءين بيرو
بوتير ستر، کاءين سوترا، دغن کاءين مير ه توا، ماچم ۲
جنيس کا يو هق باءو سدف، بارغ هق بوات دغن گاريغ، دغن
کايو مهل، تمباک، بسي، باتو ميرمر فون.
- 13 فس اد جوگ کايو مانيس، رمفه ۲، کمپن، مييق واغي، ستغلي
اير بواه جابيت، مييق مغندغ، گندوم لاءيد دغن برس،
لمبو ۲ دغن بيرغ ۲، کودا دغن کرينا ښي، اورغ سکا لي فون
اد جوگ، هق نق جوال جاي همب، سروف جوال کمبيغ
لمبو.
- 14 فس اد سوارا رويت کا کوت تو کات: بارغ ۲ موليق هق هاتي
مو ډوق ايغين نق مستي کنا اد تو، لاني راءيب ده. سمو
هق مو جاي کاي، هق بري اورغ سرنق هاتي فون، هيلغ
هابيس، نق تمو تاءليه ده!
- 15 فس فواق اورغ منياک هق جاي کاي دغن ماسوق جوال ډالم
کوت تو ډولو، ښي نق ډوق جاءوه ۲ تاءسير کليه کسيقسا ښي
کوت تو، تاکوت جغکيت کا ښي کاتيق.
- 16 فواق تو نق ترياق، ساينغ کا کوت تو، کات: تروق سوغکوه،
کوت بسر تو! ښي بياس فاكي کاءين بنغ موليق، کاءين بيرو

- بوتير ستر ، اتوا كائين ميره توا تو . ميكاين مس فول اد ،
يات اينتن بلياغ اتوا يات جليم فون . اوه ساينغ سموا هق
فرهيمفون ده تو ! هنجور هابيس دالم سجم ساج !
- 17 کتوا ۲ کفل منياگ ، کموي ۲ ، اوق ۲ سکالي دغن سموا هق بوليه
رزقي کوء لاءوت تو ، دوق جاءوه ۲ جوگ .
- 18 دي ترياق تيغوق اسف ناءيك دکوت هق دوق ترياکر تو ،
کات : نق چاري دمان فول کوت هق اد نام سروف کوت ني ؟
- 19 فس دي امبيق دبو بوبوه اتس کفلا ، جادي تندا ساينغ کا کوت
تو . فس دي ترياق دغن سديه هاتي کات : تروق سوغکوه کوت
بسر تو ! سابيت دي کاي بدعه تو . توان ۲ کفل منياگ کيت
سموا توروت کاي جوگ ، فس دالم سجم فون هنجور هابيس !
- 20 فس سوارا سا لاکي کات : هي شرگ ، فاکت سوک هاتيله ، کران
کوت بسر تو فونه ده ! فاکت سوک هاتيله سموا مو هق جايي
ميليق توهن ، سموا هق باوا تيته ربي ، سکالي دغن سموا
هق ميمفي فرمان توهن ! کران توهن جاتوه حکوم ساله ده
اتس کوت تو ، دغن سبب هق دي بوات خيانه کا فواق مو !
- 21 لفس تو ، سئورغ ملايکه هق کواس دي بسر ، اغکيت باتو
ستوگکول ، بسر سروف باتو کيسران ، فس رمبس دالم لاءوت ،
بلغ ۲ کات : نق جادي بالس توله کا کوت بسر هق نام
بابيلون تو ! دي نق کنا تاهوق دغن رمبس ، سهيگک رايب
سلام ۲ ! تاء يوپي ده ، سوارا هق ماري دالم کوت بابيلون تو ،
- 22 کمبوس ، سوليج ، سروني ، اتوا سوارا اورغ فون . فس توکغ ۲
فون تاء ار سئورغ هايوق دالم کوت تو . فس تاء ار بويي
اف ۲ فون تندا کات اورغ ار .
- 23 چهيا فليتا تاء سوار توبيت ده دالم تو ، فس سوارا تمفت
منيکاح فون تاء يوپي ده جوگ . کران دالم کوت تو ، اورغ ۲ منياگ
دوق بسر کا ديري ، کات ، ديا له هق تيغکي سکالي دالم دنيا .

فس اورغ سموا بغسا فون کنا تيفو ده دسحير فواق دالم کوت تو.
 24 کوت بابيلون ني کنا تښگوځ جواب اتس داره هق دي بري
 تومغه دني ۲ دغن اورغ هق جادي ميليق توهن، سمفي کا
 سموا اورغ هق کنا بونوه اتس دنيا بيلا ۲ فون.

فوجين کا توهن

باب 19

- 1 لفس فد تو، اكو يحيا دغر بويي سوارا سروف بريو ۲
 اورغ دشرگ، دوق مپاي کات:
 فوجيله کا توهن! هلولويه! جاي دياه هق بري سلامت.
 کمليان دغن کواس سموا ني دوق دالم تاغن دي بلاک.
 2 کران دي کرت سين هق بنر، فس جاتوه حکوم دغن عاديل.
 دي حکوم ساله ده اتس اورغ بيليق هق تيمبول نام تو،
 هق بري برجښکيت چافوغ دي،
 سهيڅگ سموا ماءنسي توروت بوات چافوغ کاتيک.
 توهن جاتوه حکوم اتس دي، سبب دياه هق بونوه
 اورغ ۲ هق کرج کا توهن!
 3 فواق بريو ۲ اورغ سائي فون ماءوغ سکالي لاکي، کات:
 فوجيله کا توهن! کوت بسر هق دوق ترياکر تو،
 اسف دي ناءيك تاء فوتوس ۲!
 4 لفس تو، روا فولوه امفت اورغ کتوا، سکالي دغن مخلوق توهن
 امفت بغسا تو، سجود سمبه کا توهن هق دوق اتس تحت.
 فس فواق توکات:
 سلسي بلاک ده! فوجيله کا توهن!

جاموان منيکاح انق کيس

- 5 لفس توفول، ار بويي سوارا ماري دتحت تو، کات: سموا
 هق کرج کا توهن، دغن سموا ماءنسي هق حرمة کا دي،

کچیک بسرفون فاکت فوجيله کا توهن!

6 فس اکو دغر سروف سوارا يرييو ۲ اورغ، هق بريويي سروف
اومبق ۲ دوق یدل فنتي، اتوا سروف کوروه مانه بيسيغ
فاکت جواب کات:

فوجيله کا توهن، کران ربي، توهن بيغ مها کواس

اتس کيت، بري پات کات دپاله راج!

7 ماريله کيت فاکت سوک هاتي دغن گمبيرا، فوجيله

کا ري، کران ري مليا تو! سبب رويت دغن عبارة،

فرياغ منيکاح انق کيس سمفي ده. فس انق دارا فون

سيمفن ماکي سيف ده، انتوق نق منيکاح تو.

8 توهن بنر بري کا انق دارا تو بوليه فاکي چود مناکاح

بوات دغن بنغ موليق هق چوچي چهيا برسینر!

فکاین هق بنغ موليق تو، يائيت کرج ۲ موليق هق توهن برکن

هق فواق جاني ميليق ري بياس بوات.

9 فس ملايکه هق اد کواس بسر سائي تو، فسن کا اکو يحييا

ني کات: توليسله بالس ني: براونتوغل اورغ ۲ هق کنا فاده

کي کا تمفت منيکاح انق کيس تو! فس ري کات لاگي کا اکو:

سموا هق مو توليس ده، فرکتان بنر هق توهن سنديري سبوت.

10 با دغر تو، اکو يحييا سجود نق سمبه کا ملايکه تو. تافي

ري لارغ اکو کات: جاغلنه! اکو فون کرج کا توهن جوگ سروف مو

دغن اريق براديق مو، يائيت سموا هق دوق فکغ کا هق بنر،

هق عيسي بري پات. سمبهله کا توهن! کران هق عيسي

بري پات تو ستوجو دغن فرمان توهن، هق ري تورون کا اورغ

بري بوليه ميمفي!

ري هق نايک کورا فوتيه

لفس فد توفول، اکو يحييا نمفق فينتو شرگ دوق تربوک،

- کودا فوتيه فون دوق اد دسیتو. فس اد اورغ اتس تو ، نام
 دي اورغ فغکیل : دي هق بوليه هارف، اتوا فون دي هق بنر.
 اف ۲ هق دي بوات، عاديل، کرت سين اتوا فرغ فون.
 مات دي پرکيلت سروف افي، فس اتس کفلا دي اد مهکوت،
 12 بايق بوتير، نام هق توليس دي تاء اد سئورغ هابوق هق
 تاهو ملينکن دي سئورغ.
- 13 باجو جوبه هق دي دوق فاکي کنا داره هابيس، فس نام دي
 سا لاکي، فغکیل: فرکتان توهن.
- 14 انق ۲ تاغن قوم شرک فون ناء يک کودا ۲ فوتيه جوگ تورو
 بلاکغ دي نق کي فرغ. فلکين فواق تو بوات دغن بنغ موليق،
 فوتيه جلفق.
- 15 فدغ هق تاجم سبيله توبيت کو، مولوت اورغ هق کي دولوتو،
 فس دغن فدغ نيله دي بوليه منغ، برلاون دغن بغسام دنيا.
 دي نق مريته بغسام تو، کرس ستارا توغتک بسي باج. دي
 نق بري پات مرک توهن يغ مها کواس تو، دغن ايريق فواق
 بغسام تو، سروف ايريق بواه جابيت بري توبيت اير.
- 16 اد توليس دوا تمفت، دباجو جوبه دغن فها دي. فس نام
 هق توليس تو: مها راج اتس سمو راج، ربي اتس سمو کواس.
 17 فس اکو يحيا نمفق ملايکه سئورغ دوق بريري دالم متهاي.
- 18 دي دوق مناءوغ دغن سوارا درس کا بوروغ ۲ هق دوق تريغ
 کي ماري دالم اودارا. دي کات: ماريله بوروغ ۲، ماکن جاموان
 بسر هق توهن چادغ ده! ماکنله داکیغ راج ۲، داکیغ کفلا
 عسکر دغن انق ۲ تاغن دي. ماکنله داکیغ کودا ۲ دغن داکیغ
 اورغ ۲ هق ناء يک کودا تو. فس ماکنله داکیغ سمو ماء نسي،
 هق جاني همب اورغ اتوا هق تاء بياس جاني همب اورغ،
 کچيک بسر فون!
- 19 لفس تو، اکو نمفق فول سئیکور بناتغ هق لوک سوغ کنا

ممفوس ډولو تو، دوق سڪالي دغن راج ۲ دنيا دغن انق ۲
تاغن دي. سموا ني ماري برهيمفون جاني سفواق، نق برلاون
دغن دي هق ناءيك اتس کودا فوتيه کي ډولو تو، سڪالي دغن
فواق هق توروت بلاکځ دي.

20 بناتځ هق کنا لوک تو فون کنا ايکت، سڪالي دغن نبي فلسو
تو، هق بياس بوات فرکارا ۲ فليق دافن بناتځ تو. جاري،
دغن فرکارا فليق ۲ تو، هق دي بياس تيفو منيفو فواق اورځ ۲
هق تريما ده تندا بناتځ، هق سمبه ده کا فاتوځ بناتځ تو
ډولو. فس بناتځ تو دغن نبي فلسو ساءني، کنا تاهوق
هيدوف ۲ دالم لاءوت افې هق چمفور دغن بليرځ بوسوق دوق
مپالا سمور.

21 فس سموا هق ار لاکي باليق دي تو، کنا بونوه دغن فدغ هق
توبيت کو. مولوت دي هق ناءيك اتس کودا فوتيه. سموا
بوروځ ۲ ساءني فون، کيځ چريت بلاک ده، ماکن ډاکيځ دي تو.

چارا حال ماس سريبو تاهون تو

باب 20

- 1 فس تو، اکو يحيا نمفق ملايکه تنغه دوق تورون ماري
دشرگ. دتاغن دي دوق فکځ انق کونچي فينتو لوبځ لومبوځ
هق تاءار فنتت تو، سڪالي دغن رنتي بسر هق برت.
- 2 فس ملايکه تو ترکم ناگ، ياءيت اولر هق لام سوک منيفو
تو، هق کلران دي فکځيل هييليس، اتوا کفلا شيطان ۲. سوده
ترکم، ملايکه ايکت دي دغن رنتي سلام سريبو تاهون.
- 3 ملايکه تو ليمفر ناگ تو ماسوق دالم لوبځ لومبوځ هق تاءار
فنتت ساءني. دي فون کونچي تري، باليق اتس لوبځ تو،
تاءسير بري ناگ بوليه تيفو بغسام دنيا، سمهيفگ هابيس
ماس سريبو تاهون تو، بارو بوليه فس سبنتر.
- 4 فس تو، اکو يحيا نمفق تحت بايق بوتير دشرگ تو. اورځ ۲

فون دوق اد اتس تحت تو. دي اد کواس نق کرت سين .
فس اكو نمفق جوگ، روح اورغ ۲ هق کنا بونوه ده، کران دي
نائیک سقسسي حال عیسی، فس کران دي بیاس رویت خبر بایک
هق توهن . فواق تو تاء بیاس سمبه کا بناتغ تو، اتوافون
کا فاتوغ دي. فس دي تاء راجین اد تندا بناتغ تو ردهی،
اتوا فون اتس کورا تاغن دي. دي دوق هیدوف سمولا، فس،
دي دوق مرینته سرورف راج، سکالي دغن المسیح، سلام
سریبو تاهون .

5 اورغ ۲ لاین هق ماتي ده، هق تاء ماسوق دالم فواق تو،
تاءلیه هیدوف کالو تاء چوکوف سریبو تاهون تو دولو. اورغ
هق بولیه هیدوف سمولا ساءني تو، کیت بولیه فغکیل،
هیدوف کلیق کالي یغ فرتام .

6 سوک هاتیله، براونتوغ کا اورغ ۲ هق اد سکیان دالم هیدوف
کلیق کالي یغ فرتام تو. دي دوق نق کرج کا توهن فس کرج
کا المسیح جوگ، جادي توء امام ۲. فس دي نق مرینته
سکالي دغن المسیح سلام سریبو تاهون تو. بیلا سمفي هق
کیت بولیه فغکیل ماس ماتي یغ کدوا تو، فواق تو تاء کنا
ماتي ده.

هیلیس نق هاله ده

7 با چوکوف ده سریبو تاهون تو، هیلیس فون نق کنا
8 لفس درفد کوروغن دي. فس دي نق توبیت کي تیغو بغسام
سموا هق مان اد امفت تافن دالم دنیا ني. بغسام ۲ تو،
بولیه کگر یاجوج وماجوج . هیلیس نق فرهیمفون سموا تو،
سیف نق بوات فرغ. بیلاغن دي بایق سرورف فاسیر دفتني .
9 دي توبیت کي رات ۲، فس لیغکوغ خیمه اورغ ۲ هق جاري
میلیق توهن، سکالي دغن کوت هق توهن کاسیه تو. تافي

10 افي هق تورون دلاښت بري فواق هييليس تو هنجور هابيس.
فس هييليس هق تيفو فواق ساءني تو، دي سنديري كنا تاهوق
دالم لاءوت افي هق چمفور دغن بليرخ بوسوق، ياءيت تمفت
بناتغ دغن نبي فلسو تو كنا تاهوق دولو. تيگ تو فون نق
کنا سيقسا دسيتو، سياغ مالم بوات سلام ۲.

حکوم فد هاري اخيرة

- 11 لفس تو، اكو يحييا نمفق تحت هق بسر چهيا فوتيه.
فس اكو نمفق دي هق دوق اد اتس تو. لاښت دغن بومي
تاءبراني نق مشهارف دي، كنا لاري راءيب هابيس.
- 12 فس اكو نمفق اورغ ۲ هق ماتي ده، کچيک بسر، دوق برديري
دافن تحت تو. فس سورت هق ماسوق نام اورغ هق هيديوف
چارا بارو، كنا بوك دافن تو. فس اد سورت ۲ لاءين فول، هق
توليس فريواتن مائيسي تکه دوق هيديوف لاگي. سورت ۲ ني
فون كنا بوك جوگ، فس توهن کرت سين اتس اورغ ماتي
ساءني، ايکوت هق مان توليس ده دالم تو.
- 13 فد ماس تو، لاءوت كنا سره اورغ هق ماتي دالم دي. موت
دغن هاديس، تمفت اورغ ماتي دوق ننډي تو فون، كنا سره
جوگ اورغ ۲ دي کا توهن، بري توهن کرت سين اتس سماو تو،
ايکوت فريواتن دي ماسيغ ۲.
- 14 لفس تو، موت دغن هاديس ساءني، كنا تاهوق دالم لاءوت
افي. فس كنا تاهوق بالس تو، هق فغکيل ماتي کالي يغ کدوا.
- 15 کالو سياف ۲ نام دي تاءاد دالم سورت اورغ هيديوف چارا بارو
تو، دي فون كنا تاهوق دالم لاءوت افي جوگ.

باب 21 لاښت دغن بومي هق بارو

- 1 لفس تو، اكو يحييا نمفق ده لاښت دغن بومي هق بارو.

کران لاغيت دغن بومي هق سدیا تو، راءيب ده دولو. لاءوت فون تاءاد جوگ.

2 فس اكو نمفق كوت هق سوچي تو، عبارة كوت جروسليم هق بارو، تورون ماري دالم شرگ رتوهن. دي سيف سروف انق دارا هق دوق جاغق نق ټمو دغن انق ترونا.

3 فس اكو دغر سوارا درس هق ماري دتحت تو، كات : لاني تمفت توهن، دودوق دغن ماءنسي. دي نق دوق سكالې دغن ماءنسي. ماءنسي فون نق جاني ميليقي دي. توهن سنديريله نق دوق اد سكالې دغن ميليقي دي تو، نق جاني توهن هق دي سمبه.

4 توهن نق سافوس بري كريغ ايرمات ميليقي دي تو، بري تاءا كئا ماتي ده. فس جق دماس تو، تاءاد سبب هق بري سايو هاتي، نق ترياق اتوا نق ساكيت فون، کران فرکارا ۲ ني هق تنتغ دغن ماس دولو، ليسوس بلاک ده!

5 بي هق دوق اتس تحت تو فون كات: جق دماس لاني، اكو نق اوبه بري جاني بارو سموا فرکارا! فس دي كات لاكي كا اكو: توليسله! کران فركتائن هق اكو دوق رويت ني، هق بنر، هق بوليه فرچاي سوغکوه! دي تمبه كات لاكي كا اكو:

6 سلسي بلاک ده! اکوله هق اوال فس هق اخير، اکوله هق مولا ۲ فس هق سور جوگ.

اورغ مان هق براس دهاگ، اكو نق بري ماکن اير درفد مات اير هق بري هييدوف چارا بارو، دغن تاءا كئا باير اف ۲.

7 سياف هق منغ ده، اكو نق بري فرکارا تو جادي ميليقي دي. اكو نق جاني توهن دي، فس دي فول نق جادي انق کو.

8 تافي اورغ ۲ هق فناکوت، اورغ ۲ هق تاءا لکت جنجي،

هق بوات هوډوه، هق بونوه اورغ، هق بوات زنا،
 اورغ ۲ هق کرج سحیر، هق سمبه برهالا، اتوا
 هق بوهوږ فون، میلیق اورغ ۲ تو، کنا دوق دالم
 لاءوت افی هق چمفور دغن بلیرغ بوسوق
 هق دوق میلا، هق بولیه فغکیل کماتین یغ کدوا تو!

کوت جروسلم هق بارو

- 9 فس ملائیکه توجوه اورغ هق باوا توجوه فرکارا بالا هق
 سود، دالم چاون توجوه بوتیر ډولو تو، سئورغ دالم فواق
 تو ماري کا تمفت اکو، فس ري کات: ماريله، اکو نق تنجوق
 بري مو نمفق انق دارا، دي هق جاني بيني انق کيس تو!
 10 فس روح توهن تورون کواس ري اتس اکو يحيا، بري جاني
 سروف ملائیکه باوا اکو نايک اتس فونچق بوکیت هق
 تيغکي سکالي. ري تنجوق کا اکو سروف کات کوت جروسلم
 هق سوچي تو، هق تغه دوق تورون دالم شرک دتوهن.
 11 کوت تو بولیه ده کملیان توهن، هق چهيا دي دوق ماچر
 نايک دي، دوق برکليف ۲ سروف مات اينتن هق هرک
 مهل، جرنیه سروف کاچ.
 12 کوت تو اد فاگر تيغکي، دغن فینتو کرېغ دوا بلس بوتیر
 13 فینتو. بالیق متھاري نايک اد تيگ بوتیر، بالیق جاتوه تيگ
 بوتیر، بالیق هولو تيگ بوتیر، بالیق هیلیر تيگ بوتیر.
 هق دوق جاگ فینتو ۲ تو، اد ملائیکه دوا بلس اورغ. فس
 داتس فینتو دوا بلس بوتیر تو، اد تولیس نام دوا بلس فواق
 دالم بغسا اسرائیل تو، گنف ۲ بوتیر فینتو اد ساتو نام.
 14 فاگر کوت سائي تو، اد فلافيق هق بوات دغن باتو دوا
 بلس بوتیر، فس دباتو تو اد تولیس نام فواق صحابه هق
 انق کيس دوا بلس اورغ تو، سبوتیر اد ساتو نام.

- 15 ملائكة هق دوق كيچيق كا اكو ساءني، دوق فگخ مغوكور هق بوات دغن مس، نق بوات اوکور کوت، فاكر، سكالې دغن فينتو گريغ تو.
- 16 کوت تو، روف دي امفت سكي، تاء لبيه تاء كورغ. ملائكة دوق اوکور کوت دغن مغوكور ساءني، فنجغ دوا ريبو امفت راتوس باتو. فس بوك، تيغكي، سروف سماو دغن هق فنجغ ساءني. فاكر فون، ملائكة اوکور جوگ، تيغكي تيگ فولوه انم دفا. اوکوران تو دي فاکي دفا مائسي تمار.
- 18 فاكر تو بوات دغن اينتن بلياغ. کوت فون بوات دغن مس هق سجاتي، دي گاسور هيغك سمفي برکيلت سروف چرمين.
- 19 فلافيق فاكر کوت تو، دي هياس دغن يات ۲ بايق بغسا هق مهل. اد دوا بلس فرکارا يات چهيا لاءين ۲.
- 20 فس دوا بلس بوتير فينتو گريغ تو بوات دغن متيارا، سبوتير فينتو اد سبوتير متيارا. باتس ماسوق کوت تو بوات دغن مس سجاتي، هق گاسور سهيغك برکيلت سروف چرمين.
- 22 دالم کوت تو، اكو يحيا تاء نمفق تمفت بوات سمبه كا توهن، سبب تمفت تو ياءيت توهن سنديري ده، دي هق يغ مهاکواس، سكالې دغن انق کيس.
- 23 کوت تو تاء اد کهندق نق كا چهيا متياري اتوا بولن فون، کران کمليان توهن دوق چره ده، فس انق کيس سنديري جاي ايبو چهيا دي.
- 24 بغسا ۲ دنيا نق برجالن کي ماري دالم چهيا دي تو. فس راج ۲ فون نق باوا هرت دي ماسوق دالم کوت تو جوگ.
- 25 فينتو گريغ کوت تو دوق تريوک سهارې تونتوت، تاء راجين کاتوف، سبب فرياغ گلف تاء اد دسيتو.
- 26 بغسام دالم دنيا نق باوا هرت دي سماو هق بري دي بوليه حرمة، نق سره كا توهن دالم کوت تو.

27 تافي بارغ هق ناجيس ، تاءار سكارا هابوق بوليه ماسوق كا دالم تو . فس اورغ هق توروو جالن چافوغ اتوا توروو هق بوهووغ فون ، تاءا ليه ماسوق جوگ . هق بوليه ماسوق ، اورغ ۲ هق نام يي تولىس ده دالم سورت اورغ هيديوف چارا بارو ، هق دوق دتاغن انق كييس .

باب 22

- 1 لفس تو ، ملايكة تنجوق كا اكو يحييا لايي ، بري اكو نمفق اير سوغي هق بري هيديوف ، دوق جرنيه بركليف ۲ سروف كاچ .
- 2 سوغي تو مغالير توبيت ماري دتحت توهن ، هق جاني تحت انق كييس جوگ ، مغالير كوئ تغه باتس هق ماري ركوت تو . دتغي تبيغ سوغي ، باليق تو ، باليق ني ، ار فوهون هق بري هيديوف . فوهون تو بربرواه دوا بلس كالي ستاهون يائيت سبولن سكاللي . فس داون ۲ ري تو بوات جادي اوبت ، بري هيلغ فپاكييت بغسام دنيا .
- 3 دالم كوت تو ، تاءا ليه تيمو دغن اف سكارا هق دوق باوه مرك توهن . تحت توهن هق جاني تحت انق كييس جوگ ، نق ار دالم كوت تو ، فس اورغ ۲ هق كرج كا توهن نق دوق سمبه كا يي دسيتو .
- 4 فواق تو نق بوليه مغهاردف موک سام موک دغن توهن . دراهي ۲ ري ار تولىس نام توهن .
- 5 تکه تو تاءار فرياغ گلف . فليتا دغن چهيا متهاي فون تاءار كهندق نق . سيب ربي ، توهن سنديري ، نق جادي ايو چهيا انتوق كوت تو . فس فواق هق دوق دالم كوت تو نق بوليه مريسته بوات سلام ۲ .

تاءلام ربي عيسى نق ماري ده

- 6 لفس تو ، ملايكة كات كا اكو : سموا هق اكو دوق رويت

ني بنر، هق بوليه هارف سوځگوه. فس ربي، توهن هق
تورون روح دي اتس فواق نبي ۲ ډولو، لاني دي هنتر
ملاءيکه دي، نق تنجوق بري همب ۲ دي بوليه نمفق، هق
مان تاءلام نق جادي.

7 فس عيسى کات: دغرله! تاءلام اکو نق ماري ده. براونتوغل
کا اورغ هق بوات توروک ايکوت هق مان ار دالم فرمان توهن
هق دي تورون سوروه توليس دالم سورت ني!

8 جادي، اکو يحيا نيله هق بوليه دغر، بوليه نمفق، فرکارا ۲
هق ملاءيکه تنجوق تو. سوده اکو دغر، نمفق پلاک ده، اکو
فون سجود حرمة کا ملاءيکه تو، نق سمبه کا دي.

9 تافي دي لارغ اکو کات: جاغلله! اکو فون کرج کا توهن جوگ
سروف مو، دغن فواق ادیق برادیق مو، هق ميمفي فرمان
توهن، فس دغن سموا هق بوات توروک هق مان ار توليس
ده دالم سورت ني. توهن ساج له هق کما سمبه!

10 فس دي تمبه کات لاکي: جاغلله مو کاتوف تاء بري تاهو فرمان
توهن هق دي تورون، سوروه توليس دالم سورت ني، کران
ماس هق سموا ني نق جادي، دکت نق سمفي ده.

11 اورغ هق بياس بوات جاهت، بلرله دي توروک لاکي کجهاتن
ني. دي هق بياس بوات چافوغ، بلرله دي توروک لاکي
چافوغ تو. اورغ هق بوات بائیک، توروته جانن هق دي
تغه دوق بوات تو. فس اورغ هق بوات سوچي فول، توروته
لاکي!

12 کران عيسى دوق کات: دغرله! اکو ني تاءلام نق ماري دغن
مغجوت، فس اکو نق باواء ماري هق نق بوات بالس کا
اورغ، ايکوت هق مان دي بياس بوات، بائیک اتوا جاهت
13 فون! اکوله هق اوال فس هق اخير، اکوله هق مولا ۲ فس
هق سود جوگ!

- 14 برونټوغلہ کا اورغ هق میسل کات باسوه فکاین یی بری چوچی.
هق یی باسوه ده تو، نق بنر بری یی بولیہ ماسوق رکت
فوهون کایو هق بری هیدوف تو، فس بری بولیہ ماسوق جوگ
دالم کوت، کوء جالن فینتو یی تو.
- 15 تافی هق دوق لوار کوت، یاءیت اورغ ۲ هق درهاک کا توهن،
اورغ ۲ هق کرج سحیر، هق بوات چافوغ، هق سوک بونوه
اورغ، اورغ ۲ هق سمبه کا برهالا، هق سوک بوهوغ، اتوا هق
بوات تیغو فون .
- 16 فس عیسی کات فول: جادی اکو عیسی نیله هق هنتر ده
ملاءیکه کو کا فواق مو، سوروه یی رویت کا فواق المسیح
چارا حال اکو. اکوله هق بسر دالم کتورونن راج داءود
فس اکو نی جانی بینتغ هق سولوه چهیا تندا نق چره .
- 17 روح توهن دغن انق دارا تو فاکت کات: ماريله!
فس گد ف ۲ اورغ هق دغر فون کنا فاکت جوگ کات: ماريله!
ماريله اورغ مان هق براس دهاگ، امبیق ایر هق بری
هیدوف! سیاف ۲ نق فون، بولیہ، تاء کنا بایر اف ۲!

امران هق سود

- 18 اکو یحیا نی نق فرایغت بری امران دغن کرس، کا اورغ
مان هق دغر فرمان توهن هق ار تولیس ده دالم سورت نی.
کالو سیاف ۲ تمبه لبیه فد هق نی، توهن فون نق حکوم
ی دغن تمبه بالا ۲ سروف هق ار تولیس ده دالم سورت
نی.
- 19 فس کالو سیاف ۲ بری کورغ فد هق نی، توهن نق امبیق
کلیق درفد اورغ تو، بگیان یی دالم فوهون کایو هق بری
هیدوف، دغن بگیان یی بولیہ ماسوق دالم کوت هق سوچی

20 تو ، هق دوق تولىس ده دالم سورت ني .
 عيسى له هق جامين کات سوځگوه ، سموا فرکارا هق تولىس
 ده دالم سورت ني ، کات :

تنتوله تاء لام اکونق ماري کا تمفت مو !
 فس کيت جواب کات : ماريله ربّي عيسى ، بري سلسي !
 21 مينتاء ربّي عيسى توروون رحمة بي دوق اتس فواق مو سموا .

امين .